



天下名家詩觀逸目

卷之十一

喬可聘 江南

喬邁 江南

呂大器 四川

呂潛 四川

余畚 四川

陳瑚 江南

陳恭尹 廣東

朱彝尊 浙江

魏僖 江西

劉祚遠 山東

王清 山東

趙錫胤 陝西

王曰高 山東

梁鉉 陝西

秦松齡 江南

朱廷燦 陝西

蔣超 江南

婁鎮遠 遼東

王無忝 河南

馬駿 江南

江臯 江南

徐旭齡 浙江

李文秀 直隸

歸莊 江南

王儉通 江南

何黎 江南

程世英 江南



孫自式 江南 丘象升 江南 丘象隨 江南

傅為霖 福建 黃若庸 福建 朱克生 江南

陳銓 江南 劉中柱 江南 李沂 江南

陸廷掄 江南 宗元豫 江南 李淦 江南

陳世祥 江南 陶開虞 江南 程謙 江南

黃霖 江南 程遠 江南 廖文英 廣東

吳嘉紀 江南 劉康祚 江南 范國祿 江南

毛師柱 江南 陳維岳 江南 阮旻錫 福建

龔士薦 江南 趙貞 江南 曹禾 江南

周裝 江南 沙張白 江南 彭師度 江南

白夢鼎 江南 張北授 江南 郁植 江南

許嗣隆 江南 葉藩 江南 沈愛宏 江南

曹繡 江南 王吉武 江南 王曾斌 江南

李葉 江南 周廷徵 江南 許焜 江南

馮官揆 浙江 曹漢 江南 黃層 福建

呂楠 江南 鄭吉士 浙江 許朝礎 福建

沈藻 江南 徐深 江南 鄒翊 江南

賁琮 江南 陳牲成 江南 李勅 江南

顧煒 江南 吳觀垣 浙江 杜世履 湖廣

鄭一鳴 江南 郁江 江南 龐鴻 江南

田鉉 江南 朱璐 江南 蔣斯行 江南

釋野楫 江南 王雍鎬 江南 黃鍾 江南

黃 沆 江南 黃德溢 江南 黃陽生 江南

黃泰來 江南 薛 開 江南 何 鍊 江南

繆 尊 江南 錢 覲 浙江 顧九銘 江南

姚 曷 江南 王孫驂 江南 韓 肅 浙江

魯東錡 江南 王奇遇 江南 袁 衡 江西

釋行如 江南 釋宗炳 江南 江允泐 江南

謝天錦 陝西 吳維翰 江南 鮑夔生 江南

李 湘 江南 王 簡 江南 錢 點 浙江

丁龍受 江南 丁行乾 江南 丁元會 江南

釋德孚 江南 黃兆隆 江南 黃 衍 江南

黃師憲 江南 黃 蒸 江南 黃 瑄 福建

程 毓 江南 程端德 江南 程 奇 江南

張李鼎 江南 李仙原 江南 郜瑞麟 江南

汪徵遠 江南 孫自益 江南 鄧昺采 江南

鄧劭榮 江南 鄧勸相 江南

共一百三十六人捻計詩

詩觀十一卷目錄終

詩觀初集

東吳鄧漢儀孝威評選

同學紀映鍾伯紫忝閱

喬可聘

聖任陶菴江南寶應人

旅中得長子邁雲間消息

浪傳泛越州仍向雲間遊坐臥木蘭伴晨昏水國秋書來垂

○大○有○筋○响○

舊淚人去對新愁望汝還家早憐予病未瘳

○二○語○  
神似少陵却  
能自出手眼

苦雨

雨喜及時好那堪雲不開馬牛幾莫辨鷗鷺盡飛來茅溼痕  
多漏沙崩響易哀田園生意盡排悶強持杯

疎老自是  
大家風味

柘溪冬日舟中

鹿裘釣舫耐嚴寒抱膝長吟天地寬遠火踈鐘夜半到蘆花  
楓葉病中看風來書展烏皮几雪壓篷低紫籜冠惜少王維  
圖好景閉門僵臥似袁安

月滿前村一枕寒孤舟老病帶圍寬翔鴻避弋雲中遠野鹿  
忘機雪後看松徑霜鐘晷白社梅花錢笛夢黃冠懶乘深夜  
剡溪興敢向山齋覓晚安  
大雅春容而秀  
氣拂拂紙上

秋村寄吳柴菴

蕭條村舍掛藤蘿隱几閒吟秋興多荷芰為裳宜野艇鳧鷖  
之性悅清波涓涓明月舟虛受漠漠孤雲溪靜過試與古人  
評隱逸五湖壘雨較如何  
冲澹有閒  
雲野雀意

喬邁

子卓鈍夫江南寶應人

柘谿月夜有懷張嘉菴

谿日忽西馳明月來前軒喬木生夜涼坐卧絕塵喧中情無  
幽人○襟抱○如是○  
復繫思與靜者論讀書古人悔但求真意存歎息平生志反  
側勞夢魂悵望不可見白雲滿江邨  
絕類韋  
蘇州

邨夜

八月蒼溪暮江鴻已帶秋寒蛩孤影伴落葉一聲幽鉦柝圍  
○字○下○得○警○  
殘夢星河迥客愁江湖猶剝落徒有淚長流

水漲再過草堂

秋水難為野柴門猶覆花半牕飲舊帚一榻擁新沙藜杖輕  
隨鶴茅檐低落鴉邨煙過午寂畱得幾人家  
摹寫水漲入  
画而局格極  
渾

哭萬年少

才筆千秋在傷心萬事非窮途天地窄亂世死生微丹旆翻  
前驛玄鴉送落暉蕭條徐泗遠白馬故人稀以弔隄西  
字字真切

八月

八月愁將破秋思入夜微羣花沾露好獨鳥向山歸世路殊  
今古柴門無是非欲尋他徑去恐與素心違

丙申除夜

歎老無聞歲又更雪簑燈火夜為情年侵瘦影頻頻顧寒盡  
哀鴻故故鳴屋裏梅花猶爛熳山中甲子愧分明幼兒談笑  
堪娛夜吟得吾儂春壠行比靖節更淡

亂後淮陰得晤何達夫

吳門歌者

長淮明月落寒沙萬里西風入莫笳忽見何戡驚會面叮嚀  
莫唱後庭花較更與殷勤唱渭城  
同一深情別一肺腑

送趙五絃入覲

君上單車朔氣生濁河吹浪不勝情匆匆若到雲多處逐漏  
依然聽五更忠厚悱惻  
具見此詩

呂大器東川四川遂寧人

蘧江

孤身行萬里驛路怯星軺樹密煙邨小沙平水岸遙野狐衝  
馬立山鬼伺人驕漸喜南州地猶看聚晚潮造境  
森奧

潭市

曲澗涵秋雨人家水鏡中峰房綠石竇虬樹繞花叢農事悲

言... 荒土鄉心寄暮鴻。徘徊萬里路，何日到春風。  
中藏稿 思精而語麗

湘潭道中

世路原多險，况經巉澗行。日從當午見，雲向漏天生。果熟猿朝暮，花深鳥送迎。何時出暗谷，一望大江平。  
異景 異筆

晚至閬州

一葉嘉陵下水心，對綠漪豈無丹闕戀終抱。白雲思輕艇星前，導微波天暗移南池。千萬折懷古一增悲。  
○舟○光○景○ ○盡○晚○

采石磯晚眺

磯頭誰忍坐，垂綸天送閒。緣一葉身烟護，萬松三月雨水圍。千舍六朝人。  
○蒼○洪○

呂潛 半隱四川遂寧人 懷歸草堂詩集

送友蒼大師住水西

瓢笠歎無定，名山久待公。雪殘春路滑，雲過晚江空。道力馴岩虎，鄉心折塞鴻。還憎多慧業，詩句滿南中。  
○秀○警○

秋水園卽事

近午過重溪，亭空春草齊。幾家園市小，一寺背山低。花隱漁人路，香畱燕子泥。前賢遺澤在，五夜尚聞鷄。  
○鍊○ ○詩能沈着便覺氣象鬱然

送吳子晉還蜀

風塵驚白髮，兩度看君歸。目盡青天遠，魂隨夜月飛。淚傾殘臘酒，花點舊行衣。且暮嘉陵下，相從問蕨薇。  
○衝○口○即○是○ ○一氣

邢江夏夜懷史赤豹蕭寺

飛鳥不知處，孤城生暮雲。吟邊誰最苦，鐘畔雨先聞。月冷空

王閣風號故相墳蜀岡有歸路吾亦戀斜曛

奉寄李制府

龍嶺嶽嶽四百灘從今蜀道不言難樓船震疊鯨波偃蛇鳥  
參差陣氣寒父老久煩司馬節西南再築武侯壇懸知儉府  
多奇士倘許歸來廁鵝冠

雄傑之槩  
英英射人

江望

橫江閣外數帆檣立盡西風髮漸霜只有鄉心不東去早隨  
煙月上瞿塘

詩得遠近  
即離之妙

余生 齋生 鮑菴四川 青神人

新灘觀捕魚歌

君不見新灘奇險天下聞驚濤怒浪如山立上下舟行實畏

途放舟須仗士人力上灘牽挽終日勞逆流直上百餘尺束

舟委浪下更難撇漩擊波如箭疾灘際洄流急且深承流鼓

浪魚競集漁人舉罟百不失烝然罟之如俯拾傷鱗破額委

泥沙慘淡腥風陷朝日跳波脫漏時有之潛跡江潭秘呼吸

土人竹篲滿背歸戶戶門前盈百十霜刀直下亂雪飛棄置

頭顧人不食乾魚家家掛滿壁腥臭漫漫氣難息誰云烹鮮

世所珍見之悲惻情罔極嗚呼廿年殺戮人民空今復毒流

鱗介中直是老杜力  
量何分今古

蜀都行

自我之成都十日九日雨浣花草堂益蕭瑟青羊石犀但環  
堵生民百萬同時盡眼前耆舊存無幾訪問難禁泣淚流故

宮荒廢連禾黍萬里橋邊陽氣微錦官城中野雉飛經商半  
是秦人集四郊廓落農人稀整頓凋殘豈無術流亾安集誠  
可期但得夫耕婦鑿無所擾桑麻樹畜隨所宜數十年後看  
生聚庶幾天命有轉移 成都被獻寇殺刈生靈  
幾盡此篇逼真詩史

陳 瑚 言夏確菴江南太倉人

揚州感興

亂餘無夢度維揚此日重遊淚數行鼓角一城空鳥雀風沙  
千隊散牛羊笙歌院落橫樵徑燈火樓臺作戰塲蕭瑟祇應  
前代柳眉眉含怨倚斜陽 此為亂後之揚州言也  
在今日則繁盛極矣

獻寇破武昌令數十人昇乘輿與楚王而投諸江城  
二十萬戶其屠戮不盡者皆驅而沈之

楚王宮殿化為塵龍種銷殘問水濱豈是膠舟沈共主却  
魚腹羣騷人筠痕重染湘娥淚鵲血長啼望帝春見說從君  
十萬戶夜深風雨哭青燐 當時藩國之害如  
此讀罷令人慨然

陳恭尹 元孝廣東南海人

送姜山上人遊南嶽

送師西去重低徊會上衡山絕頂來夏帝碑蕪蟲篆徧楚天  
峯斷雁行迴燈前鬼芋穿沙出霽後僧門鑿雪開正是到時  
二三月上方明月下方雷 只述舊遊而送上  
人意已在言外

送何不偕之潮州

醉敲如意短歌殘鷓首東行歲漸寒霜下參差聞墜葉月中  
深淺見澄灘龍川地古那逢令鱷渚魚多不避官猶有故人

閒射獵。秋田騎馬好追歡。

識力絕高不祇詞調之美

甘竹灘上留別何皇圖即送之羅浮

一棹橫灘拍拍輕。兩厓相揖隔灘聲。已傷此地蒼茫別。却羨

名山自在行。碧落歛雲峰影滿。秋谿凋葉瀑流明。他時念汝

仙壇上夜半歌成日已生。

格法嚴老不專以刻鍊示長

送沈方鄴遊羅浮

挂帆東近列仙家。瑤室璇房路已賒。高瀑倚風時作雨。諸峯

含口半成霞。山人散住蘿葱竹。旅食多烹巨勝花。知有婦翁

名鮑靚不勞丹竈問丹砂。

遙望層城丹樓如霞可移以評此詩

朱彝尊

錫鬯浙江嘉興人潛采堂詩

雁門關

南登雁門道。騁望勾注巔。山岡鬱參錯。石棧紛鈎連。度嶺風

漸微。入關寒未捐。層冰如玉龍。萬丈來蜿蜒。飛光一相射。我

馬忽不前。抗迹懷古人。千載誠多賢。到都守長城。烽火靜居

延。劉琨發廣莫。吟嘯扶風篇。偉哉廣與牧。勇略天下傳。時來

英雄奮事去。陵谷遷數子。不可期。勞歌為誰宣。嗷嗷中澤鴻

聆我慷慨言。

似曹子建樂府

將之永嘉曹侍郎溶餞予江上吳客韋二丈為彈長亭

之曲并吹笛送行歌以贈韋郎送其出塞

韋郎舊隸羽林籍。曾向營門教吹笛。不聽吳中白雪音。定呼

鄴下黃鬚客。平原相見轉相親。置酒誇君坐上賓。北海尊壘

朝未罄。東山絲竹夜還陳。閒來坐我花間奏。玉洞飛泉響巖

溜古調多傳關馬詞新聲似出康王授問我東行到海壖日  
 斜江上慘離筵還將北雁南飛曲催送錢塘楚客船船人插  
○興○來○神○到○鼓津頭泊紅葉千山富春郭忽作邊秋出塞聲江楓岸柳紛  
 紛落哀絃促管不堪聽賓御聞之亦涕零挂席還移嚴子瀨  
 看山直上謝公亭聞君欲問雲中戍雪消飲馬長城去廣武  
 營邊折柳時胡盧河上題詩處司農舊是出羣才此日征西  
○收○意○遠○而○審○幕府開試向尊前歌一曲梅花飛遍李陵臺  
用筆續紛錯  
落如雲震散

蘇丹峰驛曉行大雪度青雲嶺桃花隘諸山

曉發丹楓驛微茫出遠郊月斜吹積雪風急燒黃茅斷嶺羊  
 腸折寒沙虎跡交軍麾猶未靖何處得安巢

隘口屯師口功臣汗馬勞耿再成破石空山無赤幟廢壘有  
 黃蒿亂插繁花盡千盤細路高繇來設險地未必盡神皋

二詩  
精警

七馬坊

積潦黃蒿外連岡黑霧中轉愁人馬滑真覺道途窮陶穴遺  
 深井沙陀沒故宮離程渺天末九月斷征鴻厚而老是錫  
進一層詩

晚次崞縣

○風○寒○獵○微○百戰樓煩地三春尚朔風雪飛寒食後城閉夕陽中行役身  
 將老艱難歲不同流移嗟婦子生計各西東

黃龍寺

黃龍隘口黃龍寺法鼓空林十里開故老尚談元總管成功

實倚耿將軍蕭條象馬金輪地寂寞山河鐵券文古往今來  
意無限仙壇瑤草幾斜暎  
不專言寺而流連于古  
今盛衰之際故為可傳

土木堡

平蕪一簣狼山下九月驅車白霧昏到眼關河成故迹傷心  
土木但空屯元戎苦戰翻迴蹕諸將論功首奪門早遣金繒  
得○好○  
和社稷祠官誰奉裕陵園  
議論盤鬱  
極合史評

宣府鎮

高城西北控燕都吹角清秋落日孤尚憶武皇巡玉塞親從  
鎮國剖金符宮槐御柳今蕭瑟虎圍鷹坊舊有無邊事白干  
虛想像誰誇天險塞飛狐  
俯仰今古殊覺騷  
屑而筆力特道

魏 僖 叔子冰叔江西寧都人  
勺庭詩鈔

早發華陽鎮

七日五日阻北風江頭白浪高於篷中秋夜泊華陽鎮琵琶  
琥珀聲瓊瓊月高鷄啼天不曙官船吹金起擊鼓不聞江上  
人語聲惟聞滿江動櫓櫓北風漸歇江水平高帆一一出前  
汀估人利涉爭及時何能熟寢待天明披衣出船我看月波  
黑天低光明滅夢中每愛放江船月落空江鳴鷓鴣  
寫得  
景色

蒼茫筆端  
殊為有興

揖黃君

高郵城外水連天高郵城下齊泊船城裏有人持書至船上  
反側不成眠舟子三更起理楫送我獨上堤頭立五尺以外  
皆波瀾僕夫趨月負我涉蘆中老父起呼稀問汝半夜欲何

言卷初集 卷之十一  
為透巡借得塔外坐冷風露沾我衣身寒背倚溼蘆葦腹  
饑口嚼乾蓮子西頭之月不肯落東頭之日不肯起須臾人  
說開重門短衣垢面揖黃君  
黃君以下不須再置一詞  
章法妙甚此水叔以古文法

為詩者也

劉祚遠 子延石水山東安丘人  
鶴林集

雨後同友登岞山

過雨添溪潤尋芳聯袂來攀松憐舊業披石坐新苔極北沙  
偏靜天南霧未開長風千里至蕩滌此襟懷  
新而  
辣

雨霽早發看山

曉發當初霽羣山愜素襟雲移峯欲動日淡壑猶陰爽氣澄  
秋塞寒流亂野泔歸來應歲晚霜葉滿深林  
讀去京  
氣襲人

過莒州

時地震已經三  
年猶瓦礫滿眼

大地無私載胡為貼我居人情恣反覆天道愛丘墟舊社狐  
憑盡新巢燕語虛蕭條今尚爾當日更何如  
極目蕭條正  
動蒼生之涕

遊畫溪

往見溪為畫今知畫是溪山光遠近得樹色淡濃齊峯轉虹  
橋接波回鷁舫迷小樓空翠裏點染竹林栖  
純是畫  
闕妙染

陸宦田招飲園林卽事

人棄君翻與名園許我過風雲生竹樹錦繡坊山河崇雅存  
吾道行襟托浩歌登臨情不盡魂夢尚煙蘿  
起極感慨餘  
俱情景兼足

雨中過固關

太行綿亘接荒陬石氣冥濛雨更幽僕馬已穿雲外磴我車

言舊初集 卷之十一 中藏稿  
猶渡澗中流五原地接風霜古三晉關連草樹秋西北只今  
烽火靜尚留殘戍鎖空樓 此詩只是氣厚不  
僅以整麗賞之

重來濟上感懷

春回濟上賦重遊情緒紛紛不遣愁寒意侵凌松節勁條風  
披拂柳絲柔高踪惟見分金嶺勝事空餘白雪樓昨去今來  
添鶴髮誰知五月有羊裘 筆意  
爽豁

東村

鮑山之麓濟城東樹色煙光莽蒼中野沃更霑三月雨樓空  
常滿四時風莫愁行道多豺虎豈畏窺園有棘蓬况是主人  
能款客暫將踪跡託漁翁 跡老硬直  
乃更斌娟

王清 水壺山東海豐人

秋日燕臺述懷

砧石秋風動地來極天鐘鼓下樓臺遙聞獵騎長楸盛近擁  
鳴珂五柞迴瓠子屢勤宣室慮柏梁新選侍臣才濫竽秘省  
無他効翹首浮雲泰岱開 氣華詞麗而中多剗切  
較勝唐人應制諸篇

趙錫胤 玉譜陝西膚施人

雨後曉行

夜晴催曉發啟戶怯西風山色四圍合溪流一徑通人衝昏  
霧裏馬困宿泥中遙憶青閨夢寧知天際鴻 秀  
穩

泗州

屢經淮泗地風景最傷神古渡懸虹影荒坵沸馬塵波臣何  
震怒王氣幾沈淪興廢從如此蒼茫問水濱 今昔情感  
俱能寫盡

王日高登孺北山山東在平人

登岱

天作雄藩鎮大東。五雲深處現穹窿。萬靈受命歸元后。四海來賓呼上嵩。符始震方柴望蚤。秩先河瀆禴祠隆。登封七十○史○何堪譜虞典。會傳輯瑞同。

洞天縹緲望中開。北斗平臨切上台。御帳還從龍峪出。白雲時繞日峯來。秦皇避雨碑無字。漢帝乾封禪有臺。遙想翠華巡幸日。山靈瑞靄自追陪。○光○燭○燭○天○

梁子遠仲琳陝西三原人

望華嶽

幾折層巒上。猶然矗數峯。橫雲迷綠逕。危石挂青松。泉石生

洪浪仙居切九重。亭亭天外峙一片玉芙蓉。

絕是望中之景迷離欲絕

秦松齡名仙對巖江南無錫人

登靈巖

琳宮遙在館娃傍。躡磴扶筇向夕陽。歲歲春風思國色。朝朝佛法懺吳王。水流猶辨採香逕。草綠全疑響屨廊。塵劫總歸清淨界。老僧不與話典亾。○從○來○未○發○

過富陽

輕舟早過富陽城。雨後飛泉衆壑鳴。烏柏樹齊青旆出。杜鵑聲歇布帆行。松陰露滴仙人井。山色晴開玉女屏。却羨村家近江住。柴門日夕看潮生。○秀○

抵嚴州

○是○吳○越○間○風○中○藏○稿

睦州風物未凋零。城郭煙巒問已經。割漆人稀蠶正熟。焙茶香透酒初醒。花涵水氣千重白。雨洗山根一帶青。此地不曾樵牧入。夢魂翻自憶西冷。  
娟娟蔚蔚却無纖媚之習

朱廷燦 山暉陝西富平人

酬李岸翁贈別

霜月入帷幕。樽壘凍未成。啣杯仰視月。鄰舍鷄已鳴。屏營輒復坐。念我將遐征。八月長安道。憶與子班荆。尺書涉渭水。離別古人情。期君君不至。從容理舊旌。  
○聲○情○逼○似○蘇○李○  
函谷關上雲太華。山前路馳驅。聊躑躅。美人來遲暮。征邁且南北。回首何時聚。劉郎去國人。往視桃千樹。出處將無同。澹然惟所遇。  
摹錄別者優孟可憎此別自抒已懷而風旨適合

蔣 超 虎臣江南金壇人

送楊職方之日南

西峯嫋嫋雲。駭屯雷霆割。翻甘露。益初疑。蛟龍錯入戶。向曉却。有異客。存織金。麒麟玉。鞵帶御馬選。賜充彭驛。捧詔遠馳諭。黎莫紫。幄焜燿。流乾坤。長安偏側。憐枯槁。解衣贈我當春早。官亭薄酒。意軫殷。信宿升車。悵悵昔官滇。海嶠檳榔尚。有謳歌。傳犵獠。功成願汝歸。臺閣讓。我南遊。衡嶽老。  
○妙○在○着○此○數○間○筆○  
短歌

壯節風 旨動人

婁鎮遠 君藩奉天遼陽人 鏡亭集

舟泊德山寺

重過畱散步。愛此好禪林。塔影千溪靜。碑亭一水深。山頭馴

虎伏潭下老龍吟。賴有支公在。悽然感夙心。

沈摯而  
光昌

過小孤山望彭澤縣

谿邊聊為片時留。遙望層嵐上戍樓。怪石橫空遲客渡。亂山

繞岸湧溪流。狂瀾歷盡關河遠。深夜虛添虎兇愁。放眼只今

天地外。荒烟一派冷扁舟。

江山孤泊風  
懷應爾蕭瑟

遊桃源洞

天闔靈源一線通。疎林野色滿虛空。溪流恰似秦時雨。村跡

猶然晉代風。遍處藤蘿牽洞口。幾家鷄犬臥雲中。漁翁借問

通幽徑。不見桃花浪裏紅。

我已神  
遊其境

舟過燕子磯感賦

不盡奇觀燕子山。千盤曲徑鎖灣環。洄湍奮激魚龍宅。絕壁

雄爭虎豹關。萬里風吹天際落。幾年燧冷岫雲間。堪憐當日

紛爭地。一水東流不再還。

手筆  
宏淵

音陽懷古和王茂衍韻

叠嶽層波鎖不開。蛟宮龍窟費疑猜。千年寫縣當秦沒。

等三縣。遂幾扭果思控楚。來。檻外青陰迷殺井。穿邊紅粉

章臺只今一址頽。然日尚有詩人數舉盃。

典實風聲此  
詩殆可無負

南湖 在常德

戴笠披蓑雨打門。新花飛盡滿前村。停車借問春耕者。善卷

先生幾葉孫。

悠然  
古境

王無不關趙夙夜河南孟津人

夏日少林山居

寺破山僧少人來夏澗幽金輪沉碧瓦鐵鳳響靈湫月亂螢  
流白風高樹欲秋入林逢惠遠飛錫好同遊

筆墨  
精整

憶去秋同八弟登岱嶽因語弟

去秋秋八月與爾有山緣放眼開齊域穿雲入魯天峰從脚  
下落日向杖頭懸壁上多書篆模糊不記年

中四句實首  
未用虛可謂

精于  
審題

### 過潼關

開手便峭

關門之上古城樓弔古當年淚欲流山導黃河分豫野人隨  
白月到秦州華陰廟裏風吹樹灞水橋邊鴈叫秋遙望三峰  
最高處欲同毛女掃丹丘

灞中有細  
老處帶韻

### 函谷早發

匹馬蕭條近古蹊寒煙漠漠草淒淒樹當野霧埋人眼路過  
盤山遇虎蹄三晉流雲連冀北五陵賓鴈下關西強秦霸業  
今何在悵望長安白日低

題向極大詩固有  
龍行虎步之象

### 春日感洛陽故宮

洛陽城裏遇春風細逐飛花遶故宮翡翠池連芳草綠杜鵑  
血襯海棠紅當年歌舞留殘瓦此日葳蕤鎖莫蟲自是人隨  
蝴蝶去傷心獨向月明中

銅駝石馬  
可勝悽怨

### 語天侯

吳門城外水悠悠花滿春山月上樓明歲與君同桂楫一帆  
風雨下蘇州  
吳宮花草近如何響屨廊邊秋雨多忽憶當年全勝日春山

無處不笙歌  
口邊意括  
來自妙

遺后樓

粧臺夜道五雲旁  
遠后樓飛金鳳凰  
一自翠華辭帝闕  
土人

拾得舊鳴璫  
與衰之際  
往往有此

馬駿  
圖求西樵江南山陽人  
聽山堂詩集

黃河北岸

岸圻失津梁  
帆開混渺茫  
洪濤秋渡馬  
惡樹夜蹲狼  
盜賊隨

兵熾禾麻就水荒  
辛勤一回首  
誰為恤滄桑  
筆強思旺  
固是絕作

賦得平野入青徐

百里連荒積  
會無列嶂來  
斬蛇逃舊地  
戲馬憶平臺  
四野宜

漁獵他州盡草萊  
頗聞征戰處  
蒼蒼至今哀  
通首  
有力

憫戰

萬里旌旗來重地  
環江鼙鼓殷滄溟  
幾經灑泣披戎服  
終看

酣歌落將星  
牧馬悲鳴天漠漠  
沙場鬼哭火青青  
不堪六代

南朝寺風月清宵戰血腥  
哀激如讀  
古戰場賦

夜聽湖舫度曲

數聲清曲蒲風外  
幾點明星草露前  
悄絕燭紅人不見  
隔林

西面盡湖天  
見一回翻覺索然矣  
惟情深人解此

舟中作

秋雨秋風客路繁  
東村黃葉過西村  
心傷斥堠連荒市  
壁掛

弓刀馬繫門  
年來每有此所以  
欲賦洗兵馬也

閨意

寒生金井夜啼鴉。夢轉粧臺怯影斜。此夜豔情鴛枕盡啼痕。如線背燈花。惟義山有此綺艷

江皋 在滑江南桐城人 越閩遊草

夜宿天遊觀

千盤曲徑問天遊。昏夜纔登最上頭。雙屐暗穿雲裏屋。一燈微透竹間樓。諸峰弄影爭相揖。虛壑傳聲靜欲流。襪被自携防露冷。今宵容我臥丹丘。難狀之景從 虛處寫出

望康郎山

鄱湖高浪擁康山。尚想前朝百戰艱。破廟鴉翻苔瓦落。寒潮蛟洗鐵衣斑。空聞鬼哭悲滄海。剩有漁歌響碧灣。傳自興王銷甲後。溪毛不敢薦人間。寓指蒼卒不僮 作山水間好語

徐旭齡 敬菴浙江錢塘人

赴任渡河有感

烟雨蒼涼九曲河。十年宦迹屢經過。壯懷長托中流楫。離思愁聽款乃歌。北望燕山黃鶴少。南憑楚水白雲多。丈夫不惜征塵苦。破浪應乘萬里槎。指願願生

轉餉天南畫舫開。誰憐民力漸堪哀。司農已擅牢盆策。牙史

何煩箕歛才。秋月每隨亭戶白。淒風偏向海塲催。繪圖常恨

丹青拙。好藉封章達帝臺。

河清比笑更何人。俯檻臨風此意真。馬足素慚隨俗吏。菜根

不厭憶慈親。此行但飲邗江水。他日堪盟淮瀆神。極目蕭條

秋草綠。澄清倚徙問長津。公風以經濟自負故其渡河 臨風嘯詠已見澄清之樂

李文秀 全瞻直隸易州人 楚吳偶吟

除夕雉臯署齋對酒作

青陽布惠澤萬物咸昭蘇足信天地心未定榮與枯嗟予宰  
劇邑三歲頗勤劬戴星急公程飲水志不渝雖無赫赫功父  
老則已孚燕薊北鄙人賦性原拙愚幸得追罪戾寒梅照冰  
壺冉冉星紀流茲歲又告除逋債苦煎迫家人相嗟吁解顏  
此為自立脚跟處慰童孺何用此區區枉道不可為前賢有令模不見沍寒盡  
春風吹衣裾 使君宰雉臯廉慎自矢而百几拮据有難以告人者然神氣怡然形于歌詠固知為温恭

君子也

送項嶠雪同年歸嘉禾兼呈曹秋岳夫子

幾日郵亭把濁醪嚴風急雪打綿袍興來忽憶鴛湖社寒劇

偏乘楊子舸歲暮燈深江閣掩春花人擁越山高知從倦圃

秋岳先生別業時遊讌為說微官久二毛 盛唐人詩極華艷而氣自流逸此作有之

為黃仙裳題樸園先生所贈松石畫卷

高致南州此再傳素心何必贈金錢寒泉石上松陰滿正耐

幽人抱卷眠 結處悠然 別有天地

歸莊 元公江南崑山人 山遊詩

題福源寺羅漢松

福源建自梁大同創寺之年植此松歷千餘載寺再廢此樹

不改青葱籠大二十圍高難度攫拏天際如虬龍石根鐵幹

苔斑駁狂風搖動聲錚鏦夜然長明燈晨撞萬石鐘聲光震

耀生靈怪柯葉常有白雲封水車之役大木盡斧斤欲加鬼

不容天王栢上方松昔年來游有題詠何況此樹六朝之遺  
蹤松之名者今有報國古岱宗彼以神京名嶽顯此獨晦匿  
于震澤之濱縹緲峯大材僻處自矜貴賞翫不辱于凡庸天  
○無窮感慨  
挺植物有如此人生何必皆遭逢嗟哉人生何必皆遭逢

筆力矯悍排風

雨而撼蛟龍

王微通龍門塞寺通州人

登靈隱北高峰

靈鷲紆盤入翠微振衣碧落自忘機峯迴越甸千重合潮湧  
秋江百丈飛絕壁雲生麋鹿過層巒月映薜蘿稀側身北望  
深鄉思三徑荒蕪待客歸

南屏

客到南屏正午鐘稀微仙梵出雲峰林間白羽千季鶴巖畔  
蒼虬百尺松古堦漫畱風雨蝕香臺常是薜蘿封遠公已渺  
溪山冷緩步斜陽信短筇  
有風恬日  
暖之致

天竺

丹梯百轉出林端幾日看山興未闌泉過虎跑喧別澗峰廻  
象鼻倚危欄雲生石壁千巖暝風送松濤一寺寒來到法王  
心地爽鐘聲遙帶夕陽殘  
與象都別只  
緣思力沈摯

何 黎 雍南江南丹徒人

寄懷杜茶村

○英○秀○  
佳人真念我屢寄秣陵書畏路交偏合貧交誼不踈雲蒸三  
楚濕潮落半江初可得扁舟就同尋笠澤漁  
輕重疾徐  
神格俱合

程世英 千一 江南舟徒人

雨

炎蒸無可避。赤日閉還開。忽走千峯雨。平臨萬壑雷。雲光齊  
混沌。風力莽喧豗。咫尺波濤起。魚龍信快哉。  
風濤涌起如臨洞庭

孫自式

衣月風山江南武進人四詩集

浮萍篇

一日蒲生行

浮萍托清流。蕩漾隨風浮。與君為夫婦。歡愛結綢繆。被蒙君  
子顧。惠好即我謀。采采及葑菲。匪勉同一心。何意須臾變。曠  
若越與秦。素絲本瑩白。化為玄與緇。黃金終不渝。衆口煽爍  
之。妾心良皎皎。君心不自知。引領長太息。氣結不能懃。榮華  
難久持。朱顏一朝誤。悲風西北來。凜冽歲云暮。援琴發清商。

淚下如凝露

比物連類能摠忠愛之懷而音節亦近漢魏

東陵村居

夙昔秉微尚。詩書欣所托。京國倦行遊。歸山耽寂寞。結宇依  
東崗。啟扉面北郭。墜墉代漑塗。荒池省穿鑿。四郊少隣並。取  
足悅寥廓。閉戶寡輪鞅。空園羅鳥雀。同人既耦耕。開樽時獨  
酌。方悟風塵疲。始識丘樊樂。  
詩品在陶謝之間

夏日游嘉禾褚孝廉園林登峯在閣

高閣白雲裏。相招共怡悅。開襟受涼風。不覺生冰雪。孤塔當  
窗牖。平疇接林樾。時時見山僧。來往踏松月。竹密常晝陰。花  
繁自夜發。主人意無窮。清歌時散髮。  
簡貴淵永隻字俱不苟下

由石峽過黃河

詩經初集 卷之十一 中藏稿  
疊嶂重巒衝虎過山曉人家尚眠臥征夫估客淚盈襟公子  
王孫貂擁座遍野蓬蒿往蹟多滿山水雪西風大濁水河邊  
捲怒濤長年歌嘯能開柁 數語絕 勁絕老

過中牟

尼山迴轍地下士此經過戰壘連官渡荒城枕大河林亭餘  
夕照原圃委秋波 時河決 懷古情難盡憂時意倍多 極佳

夏發柘浦至江山

○確○貼○閩越分楓嶺寒暄異一時澗懸流水急峯迴出雲遲遠樹陰  
陰合高天漠漠垂武夷猶在眼回首見天池 絕不離刻氣 象已在目前

柘浦道中

翠巘終朝合山花夾路然飛雲隨去鳥流水雜鳴蟬萬壑千

巖地輕陰薄暮天經時遺暑溼放棹晚江邊

妙有 風態

剡溪登縣樓贈劉明府

官舍依丹嶂公餘擁翠屏星峰當北牖溪水入東溟樹接霞  
城碧雲連鹿苑青賀齊吟眺處猶見四山亭 亭 如此結 名 法老甚

舜陵

差我陵廟倚荒陴俯仰鳴條異九嶷黛色參差餘古栢苔痕  
黯淡覆殘碑紛紜蜡臘常奔走寂寞蒸嘗自歲時司馬浮湘  
成史後蒼梧暮雨到今疑 極力摹少陵 詠懷古跡詩

西安卽事

走馬昆池落照斜隴雲秦樹思無涯玉峯日暖猶融雪韋曲  
春深未見花何氏山林空蔓草主家陰洞自煙霞祗餘詩句

○貼○切○光○麗○

留天壤勝地騷人一嘆嗟春容  
建章宮闕鎖千門颯颯飛塵極目昏細柳新蒲俱寂寞樊川爾雅  
御宿自潺湲羽林駐馬宜春苑遊客登高素滄源莫問驚人一氣排宕  
憑眺句江頭哀怨不堪論自是雄渾

春日越王臺懷古

無諸遺蹟俯幽溪此日登臨望欲迷南浦飛雲來玉女西巖  
返照入金雞沈流渡澗笙歌咽城郭銜山睥睨齊聞道越王  
臺尚在祇今惟見草萋萋鍾鍊之至聲

九日同其文遊靈隱寺風雨泛湖而歸

山色空濛雨未收興來攜伴到林丘千秋勝地通三竺百尺  
高樓瞰十洲霧擁雲根沉海日風搖石壁隱江流禪枝衆鳥

成樓宿漂轉烟波起暮鷗

氣格穩矣而中有警鍊處能扼一篇之勝

真州登塔

振衣直上望江亭拾級還聽佛塔鈴山色青蒼來北固江聲  
日夜走東溟白沙洲上帆迴轉赤岸村邊樹森冥安得乘潮  
凌極浦岷流萬里獨揚舲只言塔外之景固自滔滔無盡

馬

由來房駟降騏驎朔氣蕭梢倍有神噴玉何當投藥石籟雲  
原不逐風塵霜蹄幾蹴交河雪珠勒曾嘶冀北春誰道一鳴  
妨立仗綠知龍種性難馴氣力絕雄

剡溪雜詩

東望艇湖山子晉吹笙處白雲滿西巖時聞鸞鳳語

壁立崑山峻臨溪遠碧流月明垂釣處長憶謝公遊

絕不着意

甚妙

巳丑除夕

寒積芙蓉枕春生竹葉卮今年渾欲盡那復數歸期

含情邈然

八月歸舟泊山陰城河

秋風重過越王祠感慨空餘異代思霸業已隨流水逝夕陽

影裏颯靈旗

詩心騷宕

戴溪亭

秋來乘興到剡溪聞道溪亭渡口西不見王猷艤棹處空林

落照暝猿啼

風情四映

真州絕句

羨我紺宇倚橫崗清梵冷冷出上方猶識維摩吟諷處山僧

指點舊書堂橫山有昭明太子讀書堂改懷古

沙亭舊是傷心地刺史逢人話上皇我亦樽前談往昔江湖

零落淚千行韋應物有白沙亭逢吳叟歌老致深情于路經

丘象升

贈戒楚州江南山陽人

立移寓

乍覺梅闌近翻愁遠故邦雨帆辭野戍雲嶺暗前窓路溼愁

歸夢傷多厭酒缸竹樓風欲動猶似泊荒江客况蕭涼却

送張鞠存罷歸

三月江南鶯亂飛鷓鴣爭唱不如歸小山招隱期先定東澗

投綸願不違。柳外風聲車轍遠。雨餘人影雁行稀。悠悠世路  
皆如此。且臥漁家白石磯。  
起處妙是六朝風味。以此入律何其風秀。

送別黃蘭巖

蒿酒新沽蟹正肥。丘三何日不思歸。可堪悵望河橋外。無數  
風帆曉夜飛。  
筆致翩翩似太白當年。丘象隨季貞西軒江南山陽人。

寄故人

楚澤寒風急暮秋。烟花日夜憶揚州。看山又渡江南去。君若  
來時一處愁。  
此等語非箇中人不解。

晚泊汶水對月

片帆向夕客中收。漸老藤花月欲秋。却感多情雙汶水。半分

一道下南流

贈程穆倩

病後相逢邗水涯。歲寒雪壓客廬斜。縱然淡盡人間事。又寫

青山過酒家

傳為霖  
石潯福建南安人。賜谷詩鈔。

重陽後三日。邀諸同人泛舟張揆原。載酒共遊。竟夜泊

九峰

尋秋有約出城東。江上携樽勞鉅公。紫蟹筵開張翰酒。黃花

人想惠休風。當頭月碧溪聲裏。對面峰青棹影中。漫道錯過

重九日。好遊偏覺興無窮。

述懷

久負荔支約寧貪鱸膾肥歲荒民命賤官罷故人稀身世浮  
萍泛春風乳燕飛幾回鄉夢後翻訝未成歸  
如此吏而竟  
挂彈文以去

耶

青浦舟中

年來頻過此殘邑夕陽中牛挽雙輪水山移一棹風蚊聲欺  
夜黑螢火亂江空今古同浮泛何須嘆轉蓬  
用筆  
深刻

黃若庸 仲丹福建閩縣人

樟溪

到此溪疑盡船迴溪轉幽泉從春澗落靄向暮峯收兩水夾  
田舍衆山明驛樓蒼茫殘照裏蘆葦洲中洲  
江山  
如畫

玉山道上聞鷓鴣

歷盡千山與萬灘秋風吹入客衣單鷓鴣莫向深林叫多少

行人淚未乾 絕好唐調  
却自悽楚

魏憲 惟度福建晉江人  
枕江堂集

入海奇洞

削壁疑無路懸巖忽有門倒行微徑狹側入一天昏漸覺晨  
光引徐聽海水喧尋聲難識面唯有白雲痕  
竟是一  
篇遊記

避風館

傑閣凌霄漢江濤一氣奔櫓聲喧白晝笛吹落黃昏天設金  
銀界僧開雲水門狂夫分半榻雙眼納乾坤  
全寫江景  
森異萬狀

雲屏

白雲洞古翠屏開一望青空絕點埃馬瀆遠飛千艇至龍江

長送兩潮回危欄倚石閒登覽僻磴留雲斷去來最是鄉園  
難極目雙橋虛鎖粵王臺寫得蒼茫有氣

朱克生周禎秋崖江南寶應人環溪詩集

詠貧士傲陶淵明

白日忽西匿朔雪湛寒輝荒塗蔽荆莽蘭茝安所依  
大車臨曲澳策馬淖汗泥履險亦何事聘足非其時把書念往昔寤寐見皇義攬衣步前楹掩卷神歎歎效陶之澹而加以沈鬱

冒雨尋玉虛觀故址

何處尋仙宅山深晝雨昏斷碑猶漢魏落日幾乾坤丹竈封春草青燐照墓門高人生髮髯徒倚憇雲根深鑿自爾秀麗惟空同有此

小孤山

奇板地束江形窄中流忽擁山崩瀾龍出沒削壁鶴飛還孑立乾坤裏平分吳楚間峭帆人過此愁涉海門關

馬當山

無風江亦險况復北風狂是處皆鯨浪難堪是馬當奔雷喧島嶼飛雪灑衣裳貪看孤峰好橫空翠色長狀險處筆有飛濤

春晚渡江

風急響雲根孤帆逆浪奔雨多山失翠夜靜水難昏短草平沙嶼長松入寺門薄烟春野潤飛宿暮禽喧寫景處極深異

靈隱寺

侵曉攀藤到上方萬山迴合樹千章削巖虛翠沾衣溼絕壁

清流界石長南渡衣冠無宋土西湖樓閣有空王飛來峰下  
冷泉畔危坐蒼岬待夕陽  
頸聯見身分使山人  
墨客拈毫那得有此

旅興

滄浪水濁不通津鄒子城荒沒舊闌欲問匡衡成往事再逢  
疏廣更何人經過今日烽烟地回憶當年戰伐塵痛哭先朝  
誰柄國十三年已亂黃巾  
嶧縣在崇禎末時為土  
桓宣武所以登

平乘樓而  
發嘆也

贈韓職方舊姬時為比丘尼

小菴籬落滿芙蓉舊住江南第幾峯掃盡鉛華翻貝葉不聽  
歌板聽殘鐘  
職方沒而蛾雪少若能賦  
節操真可方燕子樓故事

泛繡谿

繡谿一水兩川分繞郭晴波蕩殺激白板橋頭魂欲斷寒鴉  
落日小喬墳  
鍾情在  
我輩

同計甫草泛東溪訪朱子蓉不遇

迴廊高閣幾躋攀鼓枻仍尋舊路還翠竹兩崖人不見塔鈴  
聲在水雲灣  
絕句  
神品

冷仙亭

三百年來幾度春先生何處更藏身馮欄欲問前朝事舊內  
荒涼不見人  
惘然

陳 鈺 其相水壑江南寶應人  
巢園詩鈔

晚至獻花巖

策蹇看山慢來時已下春泉泉爭一壑萬樹擁孤峯花盡無

啼鳥巖深有蛻龍不知雲裏寺覓路喜聞鐘

悠然  
深靜

移家柘溪

漢水移家好幽居散素襟無風溪自靜有樹月能深  
穉子偷垂釣山妻笑苦吟  
壘鹽朝日暖停筇聽春禽

幽居詩須  
如此恬靜

游牛首山

懸空千尺紫藤長跌坐深林衆木香  
葉落有聲人不見一群  
松鼠戲斜陽

好光景

巢園卽景

亂石參差一逕通茅簷真與画图同  
夕陽似愛秋林好只在  
蕭蕭蘆荻中

僕近從京口渡江有句云無限雪花吹鐵  
甕始知天愛潤州山與水空同一指也

劉中柱 砥瀾雨峯江南寶應人  
漁山園詩集

送朱秋崖之江右

秣陵江接九江流岸夾桃花送客舟  
把酒數年頻聚散著書  
從古重遨遊石鐘樓觀春雲覆彭蠡蛟龍夜雨愁  
五老峯前

懷李白翠崖丹壑幾淹留  
濃淡合裁而氣  
體亦自高秀

江南曲

江南春柳長江南春水綠  
愁煞渡江人知傷誰家宿

憶毛大可遊中州

半醉夷猶蕩兩航大河烟景入奚囊  
不知何處梁王苑花草  
春風總斷腸

和緩處真  
是風流

春遊雜詠

水國陰陰烟雨迷河東垂柳接河西  
流鶯不管興亡恨只在

慎墨堂篋

陳侯墓上啼令人嗚咽

南薰樓控濁河隈浪湧桃花聲似雷遙見紛紛津吏報官船

打鼓過樓來極合竹枝

李沂壺公艾山江南興化人

聽楊懷玉彈琴歌

楊君善彈思皇操自言崇禎末年作強之再三始肯鼓拂絃  
沉吟意不樂引商振角時叩宮八荒蕭滅迴悲風天地愁慘  
白日凍啾啾鬼哭空庭中絃鳴指咽絕復生曲終激烈多壯  
聲四座慷慨不能平楊君彈罷淚縱橫已斷後連章法最楊君早年西蜀豪素  
精馬槊兼弓刀三巴健兒誇好手一生好着團花袍是年天  
子開明堂臨軒三歎古樂亡或薦楊君通律呂徑來天上調

宮商鼙翻蛟躍乾坤改垂老飄飄適東海千金囊橐散無餘老絕

惟有內府琴猶在陽山客舍長莓苔重門小院碧桃開靜檢

道書春寂歷細燕柏子雲徘徊滄浪之水何清清波底墜雪

白鷺明布帽青鞵又西去日暮相思空復情王干一有聽楊太常彈琴

詩讀之令人徘徊悽惋

艾山此歌正復如是

春興

鄉國愁頻眺幽源歎獨棲暖沙低燕雀水檻集鳧鷖花樹傷  
心麗風雲入眼迷時危無限淚盡向莫春啼縣圃詩字字老到此首尤

為警切

中秋

荏苒佳辰至乾坤尚甲兵江烟南北斷秋月古今明影關連  
鯨澗光遙接鳳城美人猶未返愁絕玉簫聲  
結意有三  
閻遺風

宗元豫子發江南典化人  
澤畔稿

憶昔行寄陳確菴

憶昔君為廣陵客邂逅論交稱莫逆尊酒相要藉草遊河山  
俯仰傷今昔君方行李客他鄉予也扁舟辭故國常開卷帙  
想精神每從梁月疑顏色江天搔首路漫漫欲往從之阻且  
難南鴻北雁紛來往聊題短牘勸加餐聞君書劍下荊州鄂  
渚風烟亂素秋仲宣重見登樓作賈誼還添弔屈愁肅皇龍  
飛走楚甸佳氣葱葱五雲見天子南巡歌大風群公玉帛趨  
行殿御道當年警蹕嚴紫禁重來芳草遍風光仍似舊人物

已疑非到處登臨腸欲斷每逢戎馬淚沾衣遊子思親返故  
鄉承歡彩服侍高堂白白江魚供夕饌翩翩詞賦滿歸囊嗟  
小搖落掩柴扉三徑蓬蒿賓從稀若問春來何所作日莫荒

郊採蕨薇中間從楚遊上追叙往事發出  
一段精采筆力遂與古人相敵

李 淦季子若全江南典化人  
獨園藁

智者寺

玉毫金相隱芙蓉一路花香到碧峯曲逕風生松籟遠長林  
日蔽竹陰濃停驂謾損伊蒲供陟嶺還分方丈筇我欲由茲  
訪靈跡更誰瓢笠肯相從  
別有天地我  
思携杖而往

初夏由鹿田至闕鷄巖

馴鹿曾聞傍洞天翠微深處起耕烟層層石浪滋芳草疊疊

山橋度暗泉對峙巉巖雲外聳激流飛瀑峽中懸不知玉女  
歸何處古木陰森有墓田結處遶然起無窮之恩

坐太傅巖上  
惟聞伐木聲空山絕人跡鷓鴣啼不休泉流自莫莫二十  
字抵

一篇  
遊記

望蘆洲

江月荒荒白山風細細勻隔洲烟火起知是刈蘆人

婆邱獨坐

客心傷盡總難言獨上高樓望故園多小雲山春樹隔不須  
深夜有啼猿客中難  
開此詞

宿塘橋

望裡青山下夕陽迢迢數遍石橋長戍樓南畔餘燈火記泊  
杭州第五塘風調  
最好

送客之閩中

君行曾度洛陽橋橋下江流接海潮此去莫將瀛島望九仙  
遊處亦蕭條不勝蓬萊  
清淺之歎

陳世祥 善百散木江南通州人

遊仙曲

衍波小幅賦于純乞向宮中賦曉寒舊識雙成知酒渴瓊漿  
先進紫瑛盤

幅練當門處士家盤嵯琪樹蔭交加釀成玉屑欣然醉睡過  
蟠桃兩度花中山千日酒  
又不足道

一枕清風夢未濃孤烟九點沒無踪桃源兒女能多少只曉  
秦家說祖龍不知有漢猶落第二義

陶開虞月嶠颺莽江南通州人

過馬湘蘭故居

秦淮東去鷺峰西夾道垂楊識故姬誰氏園亭誰氏閣舊來  
烟月舊來谿鈿金付與籬花發眉黛從教山色低搔首城隅  
人○不○見○涼○颺○落○葉○叫○黃○鷄

聽歌有感

忽聽佳人唱奈何壯心寥落逐烟波憶梅風斷西洲曲夢草  
春深南浦歌細雨流鶯飛處溼餘香輕燕掠時多分明訴與  
還幽抑斜隔朱樓不敢哦煞甚多情想白太傅杜書記當日

从雨埧江

積雨何妨睡起遲閉門正與嬾相宜霏微半溼愁來路黯澹  
全欺酒醒時日月銷沉雲霧宿魚龍坐占貂裘祠寒江草閣  
清貧甚尚有苔錢擁碧墀聲調高卓

故中山蕪園

主臣相得憶同遊綠野平泉化古丘蟋蟀夜寒藏券閣芙蓉  
秋老賜書樓鷺峰寺外鐘聲接馬妓園中麝粉休園隣湘野蘭居  
叟為談天寶事白雲無盡水東流留此段下場頭供詞人嘆詠不禁離座而起

寄黃仙裳義興三絕碑墨刻

最愛荆谿三絕碑右軍書法陸家詞孝侯節行故相重晉室  
風流長在茲四統護闡多勳勳諸賢投契若壘篋何妨玉虎

轟真跡剩美猶堪寄所思

骨力絕似少陵讀此等詩不敢更以中晚日月倚

中藏稿

○還○自○臥○荒○臺○  
○蕃○釐○古○觀○玉○妃○來○  
○天○上○花○移○世○上○開○  
○野○鹿○不○知○香○已○散○  
○月○明○  
溫李風流未遠

卽事

江○干○小○閣○是○誰○家○  
碧○玉○釭○開○齒○蒼○花○  
簾○幙○不○垂○新○月○上○  
美○人○織○手○弄○琵琶○

曲○曲○闌○干○叠○叠○花○  
黃○金○屈○戌○碧○檐○牙○  
石○田○山○水○無○塵○染○  
遙○聽○鸚○哥○叫○看○茶○  
青溪三十六曲間差有此景

廣陵竹枝詞

橋○橫○竹○裡○參○差○綠○  
路○轉○坡○陰○窈○窕○幽○  
別○院○晚○風○寒○切○處○  
四○條○

絃○訴○舊○揚○州○  
着一舊字便有無限感慨

佛○會○頻○將○画○鼓○催○  
纔○過○螢○苑○又○鷄○臺○  
妾○從○楊○柳○橋○頭○立○  
郎○自○芙蓉○舫○上○來○  
質而雅

程謙山尊江南歙縣人  
一石山房稿

重過西湖

春○水○一○湖○碧○  
虛○亭○鷗○鳥○間○斷○橋○  
芳○草○路○高○塚○夕○陽○  
山○月○上○重○城○  
閉○僧○歸○孤○艇○閒○  
兩○峰○嶙○峴○舊○識○幽○  
思○頗○相○關○  
山尊詩以清逸勝此首又

妙在整鍊

雨過虎丘

三○江○饒○勝○地○辛○苦○  
虎○丘○山○似○覺○名○多○  
累○翻○因○雨○得○閒○  
亭○臺○春○次○第○  
澗○壑○日○潺○湲○  
惆○悵○香○林○晚○  
殘○鐘○送○客○還○  
千人一片石大為粉黛笙

慎墨堂篋

歌所累此詩 饒有冷眼

初夏新晴同杜茶村閔賓連蔣前民野泛  
好風招客至高柳遍啼鶯野寺挂殘雨輕舟愛晚晴草香春  
未去荷小岸初平此意沙鷗識狂歌獨不驚  
葱蒨有自然之色

江舟夜泊同諸弟小飲

○一○帳○倪○迂○好○兩○  
暝色入江烟江聲流向天鳥歸山磬裏霜落酒尊前舟子各  
相慰羈人祇白憐如何兄弟聚反覺客心懸

登焦山

○起○得○好○  
滄江如此急亂石自中流翠滴雙峰雨寒生六月秋空天連  
海嶼落日散漁舟三詔何年事清風古洞  
起二句說出焦山身分孰

謂山重文

宿雲聲菴

翠壁開天小禪棲任往還偶因尋勝跡到此忘躋攀樹密月  
難得江喧夢獨閒何當遠塵事卜築近松關  
機清而氣自厚宜茶村每

向予稱之

登金山

○氣○極○蒼○渾○復○切○今○事○  
今古一拳石乾坤老戰場寒城餘殺氣古殿散空香日落海  
門赤雲連京口黃相看無限意江水但茫茫  
如此詠金山使時賢閣筆

黃霖 雨相南巖江南休寧人江都籍 西亭詩

經山寺

一寺群山抱泉聲下北峰空林無宿鳥地僻有鳴蛩佛守千  
年樹僧依萬壑鐘遊人踪跡少處處白雲封  
山有雨宵然泉晉杏靈異

慎墨堂

冬日送友人之嚴州因簡高尺木  
為送南游棹臨風想富春灘頭多宿雁江上有垂綸一葉相  
君路千山木客春故人高適在知不厭官貧深警

冬日送周二安北上

寒月關山白髮新瀨江才子一遺民路經青兗千峰雪風捲  
黃河幾尺塵燕市悲歌原舊俗叢臺艷舞見荒燐好尋劉向  
言災異禾黍江南又水濱二安高蹈却留意古今詩能娓娓道出

城西泛舟

放棹西尋第五泉揚州此日正春天依崗鳥道連樓閣傷水  
人家半管絃蝶影微窺綠柳外鶯聲時囀落花前遊人不敢  
貪明月鼓角高城促畫船一匪續紛搖曳之致

程邃穆情垢區江南歛縣人蕭然吟

送遠公還山

何以銷初志遺民得爾賢江河瓢笠正履蹈雪霜縣放下千  
秋事同安一室眠長宵思曷且作佛亦堪憐思沈調苦如聽哀蟬

坐臥一小樓那孟貞來咏倚和

百尺秋雲上崇虛接至徒蒼林生脫葉白髮到狂夫木榻摧  
薪盡泥鐺煮字無移山填海事當瞑聽鳴咕骨蒼神肅

翁壽如寓舍同某老叟

不與非儔醉難師郭恕先乾坤曠妙抱筆舌幸孤堅百世杯  
中物千齡身外年繁星明刺眼分蓆教吾眠詩亦孤堅如千丈虬松  
兵中得還白門和青溪太史韻

敢用遼東隱先除蟲癘言無方不戰伐何處是乾坤造物巧  
難測無家恨獨存昔人工處變大笑服鉗髡  
穆倩詩其蒼老者往往入

少陵之室時人但以險澁目之非通論也

冒雪過黃平立草堂

尺棹蒼茫出馮夷舞八溟風興閒客子堅臥好巖扃絕世佳  
人思春風處士庭王猷得乘訪捉臂叫如馨  
落落高岸有王恭鶴氅之容

訓別林若撫長者

作賦不知老其書多等身道衡非泛濫和靖固高貧三載追  
遊地長空送目人登臨餘慷慨處士在風塵  
若撫為申文定公客丁晉

從之學詩其著作甚富身及後恐有覆瓿之慮也

半塘過吳駿公先生

潭曲寒花路牽船荒草洲相逢百戰後昔別大江秋城郭千  
年鶴漁竿下澤裘西風眷搖落歌歎日來遊  
高老不群穆倩詩以此種

為正則

酬贈麗密胥大令

壤隔與天懸相逢一語傳河山橫十咏且暮接千年客路青  
衫夜雲濤楚水船中原流涕者賈董席無前  
雋潔微秀別有香光

郝仲趙宅中讌集出蜀邸所藏畫冊同觀

脫略尊罍御同深畱覽情羣公開碣石處士在蕪城花冷玉  
笙夜江懸春鴈聲梁園圖畫史筆札未榛荆  
頸聯一字一金

覽湖夕照

言... 卷之十一  
河口决堤石沙頭穴獺狐西風衰虎氣極浦隱神珠老眼頻  
看去昏帆凍立枯市中懸水鳥砍鱸一當爐  
生辣處極  
思路之幽

寒夜河上居社集  
星月誰呼動鴻音天宇搖飛來何處屐韻入廣陵簫老樹高  
年臘寒霜變酒瓢自從知混沌滄海任塵消  
能深能別與  
世人庸庸者

別迥

李太虛先生命酒同洞翁友沂談往事

簫歇邗江夜梧觴幾燥唇三秋風雨氣終古黍禾人田野悲  
歌士江湖社稷臣那堪論汴宋水火是經綸  
穆倩昔從漳  
浦清江兩公

遊故詩中多  
扼要之論

曰門喜逢邢孟貞

別來悲感勿多求又幸相逢建業秋削簡列題人物志立言  
間付海天流頻年擁缺行吳會幾度還家主石頭正喜賦歸  
看襁抱兒啼番可止牢愁  
極慰藉之情  
想見良友

從錢牧齋先生舟次訓宋其武

相揖方舟元禮座久安藏嘿忽豪言十年意氣同饑渴千載  
心期再討論天海盪胸襟帶小江樓呼酒夜潮奔人間誰熱  
劉蕢事我獨逢君話斷魂  
負用世之畧竟落落以布  
衣老讀此寧無拊髀三歎

邢上逢姜如須叔季兼東仲令

蒼茫野露夜蕭條何處扁舟共繫橈客路逢人驚意表天涯  
高論起江湖諸侯久有遺肝累寓士難居下榻招憶別兩年  
如昨日玲瓏又聽廣陵簫  
泠泠如半  
空笙鶴

廖文英 昆湖廣京運州人 石林堂集

漢口

行遊應未住。隨到便狂吟。夜月江門曉。晴川漢上陰。花飛知浪暖。雨足覺春深。吹篴向何處。亭臬懷好音。

古乾河

刷羽征途遠。嗟哉涉世情。朔雲橫野岸。夕霰阻孤征。月落天無影。山昏樹有聲。怒饑勞僕馬。隔寨指殘燈。

祝融峯

簡雲青插霽空。浮層聳飛梯。快此遊烟霧。盡霏懸麓下。月泉多湧斷。巖頭磨崖路。迭封苔磴。聽履聲。高上石樓。指點翠嵐春在望。不知身到鳳麟洲。

高而又幽非祝融無此氣象

楓木嶺

曉命籃兜上。疊巒蜿蜒螺。逕繞空盤蠟。林鎖瀑崖谿。黯塊軋蒸霄塞嶺。寒冬半不聞。鴻雁度雲深。惟見黑苗團。風吹虎軟。循山去路。遇疎梅。只笑看。

詩思峻險結處更自風韻

沅州宴集

虎帳雲開曉。雨收遠山落。照擁名裘鐘聲外。徹蘭皋。曲樹影斜垂。栢院秋月角。萬峰嘶甲馬。樓船千隊下。辰州兇觥巡。遍南樓客共愧。無當舟楫求。

壯雄

江州雪東左寧南

許大河山玉砌成。靈光天寶守神京。投籤丙夜批黃冷。擊鼓城頭帶甲鳴。仙鶴叫寒雲。萬里白龍戰苦月。三更書生料敵。

曾何濟長劍星星氣不平雄情灑氣有雪夜入蔡州之槩

舟次寄胡沂菴漢口

駛風移泊白沙頭。飛霰飄來撼鐵牛。一夜江聲搖客夢。兩城更漏數離愁。鷄寒叫落峨眉月。漁罷吟孤剡水舟。寄我龍蛇千丈壁。為他風雨上潭州。思極沈刻而出之爽亮

別高哲潛刺史

如水心盟狎白鷗。相逢是夢未應愁。幾宵寒雨芙蓉謝。一局殘碁素落收。菊種分來彭澤傲。酒缸移向洞庭秋。有魚不食空彈鋏。漫向侯門定去留。昆湖詩多險峭僕則選其風韻流美者

越子辰六遊廬山歸極稱南康太守廖公為風雅宗而黃子天濤客燕時得交其令嗣仲玉季玉兩君正如謝庭璠樹較讀石林堂詩能無欣企

吳嘉紀 賓賢野人江南泰州人 陋軒詩

贈程澎

未俗矜繁華。眾人悅雷同。城中與四方。相傲何時窮。古諺城中好高  
鬢四方。廣陵俊尤甚。巨戶如王公。食肉被紈素。極意媚微躬。寫山癖狀  
高。一尺。歡樂成惜愚。不幸財貨豐。我愛程仲子。矯矯魚鹽中。春草野  
萋萋。中有幽蘭叢。何以別氣味。君試臨清風。嬌嬌不盡

古意寄王又旦

揚州青銅鏡。多年陷泥滓。雕文半已蝕。妙質幸猶在。一朝蒙  
提携。稍得見光彩。常感磨瑩力。不致鑿別改。逝將與儀容。百  
歲相終始。柰何漢江去。棄真空房裏。繫帶徒為飾。塵垢復欲  
浼。儻非故時人。誰更拂拭此。近詩每失此與之義此作猶有古風

題荷山草堂圖贈徐芳

決○澗○江○湖○間○青○山○何○籠○嵒○山○水○相○掩○映○悠○然○澄○心○胸○崖○壑○宿  
 古○雲○屋○宇○當○清○風○沙○鷗○入○籬○飛○琴○書○在○高○窓○伊○人○不○得○志○杖  
 策○歸○山○中○柴○門○松○樹○老○樵○徑○石○橋○通○世○事○勿○復○問○澗○泉○鳴○淙  
 淙○  
 潦○中○不○生○梧○道○傍○不○生○藻○山○公○為○荷○蕒○五○嶽○盈○懷○抱○北○風○摧  
 卉○木○寒○灰○其○枯○槁○骯○髒○將○何○之○雲○際○山○杳○渺○結○廬○自○悲○歌○炊  
 藿○時○一○飽○泉○石○誠○足○娛○壯○顏○倏○已○老○光○采○秋○蘭○花○零○落○同○野  
 草○  
蒼堅秀鬱得  
晉魏之神  
 踽○踽○懸○鵝○人○籬○籬○釣○魚○竿○廣○眉○不○肯○傲○盡○室○纏○饑○寒○饑○寒○竟  
 欲○死○擔○簦○來○江○闕○輦○蹙○復○誰○嚮○逢○君○陌○路○間○提○携○梅○樹○前○清

琴○對○月○彈○琴○絃○常○苦○直○梅○子○常○苦○酸○君○聽○蜀○岡○上○啼○鶉○摧○市  
 肝○  
世人學選體徒有其皮膚耳實優孟不足觀也  
野人宜得其神髓故無意揣摩而自與選合

廣陵送汪徵遠歸潛川

露○白○桂○花○香○命○駕○聊○遊○衍○牀○頭○金○欲○盡○淮○南○路○重○踐○秋○水○沒  
並○美○  
 繁○華○流○民○雜○鳧○雁○入○郭○尋○舊○居○隣○里○半○已○換○驚○心○蟋蟀○鳴○過  
 眼○雲○烟○幻○世○事○迭○榮○枯○吾○曹○值○貧○賤○去○去○故○山○中○餐○薇○飲○石  
 澗○莫○以○錢○刀○少○遂○令○鬢○髮○變  
全體晉魏却緯以今  
之情事故為獨作

贈吳學仲

起○手○超○絕  
 不○用○歌○二○龔○不○須○讚○四○皓○今○日○塵○埃○中○高○趣○有○吳○老○歛○跡○親  
 庸○俗○寄○情○在○義○皞○丹○砂○笑○人○愚○白○髮○顏○自○好○問○年○已○七○十○無  
 人○識○懷○抱○亂○後○故○園○蕪○客○中○兒○子○小○日○暮○讀○書○歸○牽○衣○索○梨

棗通似陶公

長者有令德。蕙草多芬芳。芬芳易感人。近者靡不臧。一從辭

歛浦。家國纏禍殃。避世魚鹽中。清風在門墻。質疑與問字。往

往來登堂。放歌對隋柳。把釣懷澄塘。王烈羈遼東。范宣客豫

章。到處風俗美。終思還故鄉。激揚古烈。可謂芬芳。

采藥去鹿門。織畚老蒙山。泉石娛夫婦。齊眉豈不歡。倉卒罹

大亂。閨閣急紅顏。入井復出井。女中逢大賢。曲護冰雪意。全

生鋒。亦間慷慨勵孤節。流離經五年。終焉歸夫子。軒車辭幽

燕。只今淮水上。鴛鴦鳴闕闕。寶劍分復合。古鏡破仍圓。高士

配貞女。雙美人爭傳。如此方可謂之古詩。

九日懷程嘉猷

首懷人只末二句章法絕老

淒清授衣時。辛苦還家叟。雨霽良辰來。茱萸發戶牖。呼兒分

果餌。倚杖閱鷄狗。衰年在鄉井。未覺風景醜。鄰圃念倦遊。贈

我蔬與酒。氣寒雁來早。草枯蟲默久。觴至誰共御。思君坐搔

首。懷人只末二句章法絕老

青萍港

青萍港。樹翳野烟入。河水黑。來船去。船樹根。繫人家。門

開。如。鴨。歸。酒。店。月。出。藤。蘿。細。糝。糊。缸。底。釀。鮮。新。網。來。鱖。村。無

盜。賊。客。有。錢。買。君。一。醉。高。枕。眠。風景宛然

白塔河

朝發黃金壩。暮宿白塔河。河流上河泥。土沃夏收麥。菽秋登

禾。人家隱隱暮春遠。楊柳條條燈火多。咫尺下河沒。洪水哭

慎墨堂篋

聲水聲一千里上河農厭下河哭船來繫樹遭驅逐同是耕田鑿井人何惜樹陰不借宿  
予鄉素封之家有擁稻數十萬石而不肯以粒米貸親知者又何惟乎白塔之村農野人過矣

秦潼

秦潼水霧中屋上棲野鴨蘋花蓮葉遍里巷野鴨飛下爭唳喋有船田父皆為漁十口五口依菰蒲蒲多村少心腸亂網得大魚無米換亭午風順客船來烟生茅店人炊爨可憐冷落紅顏婦凶年賣飯不賣酒  
下河荒涼之狀妙以快筆寫出流民圖不是過也

劉康祚 長康江南丹徒人 樵巖集

山中人日

昨日雨雪今日晴凌晨群鳥鳴嚶嚶映窓朝旭滿山閣拂檻

春風來江城鴻雁未歸柳將碧藤蕪乍動波轉清佳辰氣爽人意好對滄浪歌濯纓  
筆墨和融

雪中寄孝愉問梅花消息

○橋○如○雲○中○鶴○  
萬壑陰雲鎖晝昏大江雪片任飛翻支離北固維摩榻苦憶東冷隱士村凍葢禁寒應破笑空山何處可招魂知君好事

多吟咏却媿袁安早閉門  
筆意高強不作細弱語

范國祿 汝受十山江南通州人 江湖遊草

入廬山

朝出城西門面山開画障喜愕無定情登臨傲獨抗陋彼小崖壑徒以紆折尚籃輿趁曉晴取道湖沿上衆山相廻環穿插審歸嚮有為拱抱形有為矜奮狀或長如蜿蜒或弛如跌

踢大者欲分衡小者願依傍田疇錯其間高低見勻量流泉  
灌溉之無微不通暢周遭五百里意度諒非誑嶽立橫在中  
綿亘獨神王倚天割半壁漫空矗萬丈氣勢仍渾噩五嶽豈  
多讓巨靈秉造化變幻儘多况時發金碧輝時現光明藏時  
轉蒼翠色時作陰森相總以日照臨白雲助虛妄加以以風  
雨自然出奇創循垠眼界逼可仰不可望未能遍閱歷窺測  
亦益益宛轉就溪麓自謂此游壯忽然掉而去升高陟他嶂  
全見嶽立處危峯似列仗紛騰最上頭層疊受安放一日幾  
回看心目苦流浪遺漏既已夥領畧生惆悵

語出之森奇靈與令人若置身泉瀑間

三峽橋

直是一篇廬山游記以韻

跨礧百尺青峴橋橋邊蒼壁陰颼颼下有金井夏不渴黝然  
一碧清鑒毛盤垠下礧據危石濤聲遠自石中出有時風過  
樹沉吟影落驚疑鈞神物循崖折入流沫長溯源漸近聲漸  
強玉淵更比龍潭怪珠瀆電捲星宿芒知是五老峯結胎特  
不見水所自來騰空齧石作幻相澄諸世慮煩我猜

乃能探出山水真消息又妙以健筆佐之

極靜極細

甘將軍廟

江行不愁江水長只愁水大風波狂狂波浴日日欲落飛鳥  
滿天下求啄求啄不向烟火厨船邊繞掠聲嗚嗚篙工指鳥  
話前古此是孫吳舊行伍鳥林一戰破曹兵誓與將軍共死  
生將軍忽抱虞淵泣甲士填胸血凝碧化作流鳥晝夜啼廟

前廟後風。淒淒將軍博得祀。昭勇辛苦鳥。饑似蜂擁。餓不得。  
食將啄人。鳥不啄人。鳥有靈。靈旗閃動雲頭。雨雨溼鳥衣。鳥  
不去。卷曲離奇固是胸有全  
部離騷乃能呼役風雨

同楊酒生登樓看月  
月色自終夜似因秋更明。山空息群動。樓迥得孤情。近水風  
烟冷。禁霜草木清。曠懷同一覽。相與見生平。  
孤迥如  
瘦雀

廣陵舟泛

小棹輕移似葉飛。穿城出入趁霏微。人間好景秋前足。天下  
妙名園亂後稀。粉態幾灣懸畫閣。烟波十里舞紅衣。琵琶馬上  
沉西望。簫鼓何勞怨落暉。  
從鎮淮門一帶日聽簫鼓  
知天下太平又三十年矣

送錢舒菴之金陵

六月披裘河上公。離羣千里赴江東。金天泪黯新亭路。祖帳  
人追洛下風。看竹應過高座寺。穿針莫向麗華宮。歸時好趁  
秋將半。香泛淮南老桂叢。  
用事極活故  
風致可懷

毛師柱 亦史江南太倉人

江行

寒潮響京口。薄暮涼飈發。孤榜凌層波。江天眼空濶。聯行見  
雁。遠向長天沒。回首江南山。殘陽映微月。  
空微  
秀澹

真江作

波濤走長江。擾擾事行役。廣陵旅游罷。復作金陵客。帆孤在  
渚停。月冷寒潮白。何處起鄉思。江樓夜吹笛。  
已得隨  
州佳處

將之如皋留別吳門周鄰藿新安汪慎為大梁蘇崑生

武林陳不卧

一雁朔風邊征帆已自懸燈分蕭寺雨雪壓暮江船客久家  
如寓年荒累是田故鄉今夜夢去住總凄然

都門秋日讌集黃天濤寓齋

繁絃急管對花叢尊酒何妨日日同剩有萸香還訪菊轉因  
萍合慰飄蓬清砧月皎疎燈外白雁秋殘好句中醉後莫辭  
投轄飲幾人淪落滯江東

讌集詩如此清麗最為佳絕

徐大合素自甘州幕府來都相見有贈

挾策携琴絕塞行將軍長揖重書生題詩好遍雲中戍射獵  
應過雪外城綠酒黃羊晨草檄黑貂紅燭夜談真歸來萬里  
雄心在莫惜離懷醉後傾

壯情勃起有橫槊舞蔗之風

冬日自德安返武昌訓寶林夜坐見懷

匆匆分袂武昌城晚渡寒江蕩槳平百里風塵愁馬跡五更  
霜雪畏鷄聲山連舊驛橋多斷若結荒陂瓦半傾遠念蕭條  
見良友夜深燃燭計歸程

沈細又高亮吾何間然

初秋襄陽放船下武昌途中蚤發安陸將入漢陽界口

志感

大堤東下漢江平短檝輕帆十日程殘月客辭安陸郡亂山  
人指漢陽城魂依鄂渚他鄉夢歌憶銅鞮故國情腸斷秋宵  
聞野哭峽猿何必更三聲

老辣之中自生婉媚是火候到時

過舊院迴光寺

迴光舊接笙歌地重疊朱樓傍講堂今日寺門殘照裏斷垣

猶自有垂楊  
可勝紅袖  
青衫之感

韓侯釣臺

列爵淮陰帝業開  
桐江還有客星來  
漢家宮闕銷沉盡  
寂寞

乾坤兩釣臺  
功臣高士  
千載生色

陳維岳  
緯雲江南宜興人

清明

橋頭誰伴聽啼鶯  
冷火新烟眼暗驚  
樂事總拋非曩日  
春愁如醉尚狂生  
幾家繁麗猶韋曲  
何處風光勝洛城  
差喜画堂紅燭夜  
兩床鳴咽管絃清  
雖復哀愴出自王謝子弟口中都有異人處

贈陸子玄

皂帽關東提藥囊  
此間風景極蒼蒼  
邊花漠漠都爲雪  
塞草

茫茫盡作霜處士  
江干田二頃尚書墓  
道木千章鵬絃縱有

思歸引欲奏還愁斷客腸  
蒼涼壯激如漸離筑如正平鼓

贈閻古古先生

生平今始識韓侯  
燕市悲歌上酒樓  
地有大風連沛澤  
人來奇氣動幽州  
天低古戍金笳冷  
月墜巖城玉笛愁  
此處昔傳多俠客  
荆高一去水悠悠  
緯雲詩極風秀此忽爲穿雲裂石之聲固知義聲慷慨非同恒

調

贈小史俞郎

侯門賀汝得賢主  
珍重當筵着舞裙  
多少才人易淪落  
毛修

王粲不如君  
非憤詞實今日時態

阮旻錫  
疇生福建晉江人

報國寺松歌

蛟宮老龍愁。偏窄騰身飛。落梵王宅。碧爪蒼鱗。不敢張屈曲。  
空庭低數尺。當時海內歸龍種。手挈乾坤曾再闢。宣府槐龍  
十丈高。江山幾處留遺跡。百年烟雨動波濤。五夜霜鐘秋月  
白。我傍松陰伸脚眠。不覺松風吹日夕。寺裏雛僧埽落花。笑  
指龍鍾老禿禿。  
落筆驚風雨  
令人欲怖

龔士薦

彦吉江南武進人

都門送毛亦史歸里

雙眼冰壺入望清。看君蕭槭意縱橫。不成紅燭吟遙夜。無那  
青絲綰獨征。別酒風花移塞日。愁心春水半江城。烟林蝦菜  
難同問。立馬河梁去住情。  
風神  
綽約

道

貞

松一江南太倉人  
蘭懷堂詩草

讀史

鉅鹿快九捷。楚業用不成。眼底無英雄。遂為識者輕。驕盈非  
善物。蹶秦自雄聲。章邯方健銳。頗足振強羸。若非九捷威。咸  
陽安可爭。天授非人力。乃使都彭城。  
具論古之識。重瞳  
以驕而敗。沛公以倖  
而成。此自公論。非翻案也。放  
出眼光。乃不為腐儒所欺。

黃河阻風歌

狂風翻瀾作怒號。馮夷震盪魚龍逃。官船不行賈船泊。檣頭  
百尺飛銀濤。篷窓雨鎖半天黑。千騎橫空磨劍戟。乍聞水底  
雷殷殷。忽然一聲摧霹靂。急流萬里排空行。蒼崖石裂天柱  
傾。奔騰東走欲入海。風雨挾勢何縱橫。長年斂手坐嘆息。遊

子驚心落顏色如此風波行路難○愁殺往來名利客○嗚呼黃○  
河○瀕○洞○古○罕○儔○至○今○奔○瀉○無○時○休○雨○工○矯○步○封○姨○橫○我○欲○鞭○  
山○塞○悍○流○筆底有急湍怒流之勢

登太白樓歌

男兒曠志歷九州○短鋏敝衣來遠遊○平生磊魄消不得○載酒○  
狂歌○太白樓○太白一去不復返○斯樓猶爲今人留○千載登臨○  
吾輩在風流○豈向殘碑求酒酣○意氣多感激○長歌聲咽繼短○  
謳○吳鉤光射唾壺缺○此意太白知之不我逢○時君遠謫俯○  
仰悠悠今古愁○古人今人共悲感○白楊瑟瑟風颼颼○酒闌歌○  
竟發清嘯但見河濤怒○捲青天流○蕭條感激有玉處仲擊碎唾壺之集

燕京搗衣篇

長鯨蹴波波欲立○射潮歲簡幽燕卒○歲暮潮平戍不歸○寒衣○  
夜○搗○燕○山○月○去年惜別玉河橋○柳拂征塵宛馬驕○十二樓頭○  
銷粉黛○八千里外指鞭稍○錦裘繡簇盤花樣○妾手親裁着身○  
上○定○許○春○風○不○再○吹○錦○裘○到○眼○應○無○恙○屈○指○歸○期○六○十○句○含○  
情○望○遠○上○樓○頻○傳○來○雁○足○梅○花○字○又○促○寒○衣○寄○遠○人○疊○箋○粧○  
盒○愁○無○語○倒○篋○裁○縫○舊○羅○綺○倚○徙○空○庭○拂○素○磯○聲○聲○敲○落○青○  
霜○裏○強○舒○皓○腕○激○商○音○欲○便○因○風○訴○遠○心○高○發○清○砧○無○氣○力○  
密○縫○錦○字○有○哀○吟○朱○樓○笑○語○繁○華○共○碧○紗○掩○映○流○蘇○鳳○幾○處○  
重○門○閉○合○歡○偏○他○夜○夜○驚○殘○夢○廟○筭○應○杼○宵○肝○憂○征○人○不○用○  
覓○封○侯○但○期○滄○海○嘗○清○宴○會○取○閨○中○共○白○頭○  
是初唐四子風調却無拖

杏塵曼之習

燈下簡家書

不盡書中意，還將倦眼看。大都傳別恨，只是勤加餐。景逼黃花瘦，愁縈綠鬢殘。到來生百感，那得慰平安。  
○真話○  
僕客京華，稔知旅况之惡。

讀此詩忽忽發窮途之慟也

得家慈手訊

我友江郎至，慈親有報書。課孫筋力倦，憶子鬢毛疎。愁易添新疾，貧難葺舊廬。開緘千慮并，頓使壯心除。  
所謂至親無文也。此為性情之

言

寒食

兩度逢寒食，春光倦客歸。他年還好景，此日易斜暉。北地草無色，南鴻信每稀。感深惟令序，出處意都違。  
○淡○至○  
望之疎樸却中邊意思俱

刊此非近人以率意貌高岑者

寄內弟衍公

家室憑誰恤，情惟吾弟真。却憐書到日，又送客邊春。殘角斷歸夢，悲歌愴別神。南雲空極目，回首易沾巾。  
○筆○力○最○健○  
僕嘗與友人言詩有苦吟

而佳者亦有不必要苦吟而佳者情到筆流一揮而就此何所容其推敲松一此作是也

寒夜有懷簡黃天濤

孤館生寒氣，相依念弟兄。共多岐路感，深見古人情。冰雪尊詩卷，風塵厄姓名。不須頻擊筑，懷抱為君傾。  
天濤每為予言松一為人

高簡而多真氣此詩想見一斑

宜城遇雨

半壁雲光合，千峰雨勢連。馬嘶爭曉渡，鴻影劃秋烟。磴繞七

盤上泉分百道懸，看山忘客倦已過最高巔。  
一味平實却山行風景已

悉不必分外求奇

山行

徑繞千峰裏，秋聲入樹喧。亂藤緣石磴，急澗激雲根。山鳥低迎客，江楓遠抱村。小藍橋下路，指點是荆門。  
人但知前兩聯寫景之工

不知佳處全在結句為能收束全篇此制局之妙

蘆花被

曾向秋江伴鷺鷥，裝成襖被亦相宜。捲來巖子灘頭月，消得袁安枕上詩。滿榻白雲花覆處，一窩寒雪酒醒時。山中藉爾堪高臥，不與西風遍地吹。  
蘆花被說得如此風韻莫與豪貴人道

雨後望濟上諸山

群山雄峙鬱崔嵬，絕磴巉崖勢欲摧。萬壑雨餘旋噴瀑，諸峰雲散尚聞雷。河聲遠泛松濤合，霽色遙從鶴背開。一帶巒光浮紫氣，仙人疑跨斷虹來。  
真景難于寫出  
通首不落纖弱○僕乙已兼寒行濟北道上望山色菁葱無能

作一好語讀此一此作如我意中之所欲云

衛河舟次得家信

篷窗風雨客蕭騷，一雁傳書慰寂寥。南國芙蓉秋信早，北堂萱草夢魂遙。懸知白髮愁中滿，料得紅顏別後銷。報道吳江楓色冷，不堪獨夜枕寒潮。  
詩極蕭騷難為客子聽

天津九日

萬山落木盡蕭森，倦客逢秋感倍深。瀛海三年留楚調，桑乾九日滯吳吟。茱萸酒送他鄉淚，叢菊花闌故國心。回首江天

○六○如○此○自○工○

雲樹杳登臨莫上最高岑

九日詩少陵每出以悲渾此作莽莽有氣固足抗衡前人

燕京次沈台臣原韵却寄

才拙逢時莫問天塞垣親見息烽烟○此○句○傲○敢詔能華國駿馬○此○句○悲○

何當負壯年肯以囊空增客感○此○句○悲○翻因舌在受人憐上林自有

春如海回首梅花路幾千

自昔詞人客遊京雜往往名聞天子或公卿為之薦揚立致顯

達今皆無之曹秋嶽侍郎為予言隆萬時遊士客京無有零落者如謝茂秦輩其受贈遺畧與公卿等然則此風令

又不可得矣宜松一慷慨言之

壯心不憚傲裘寒為語親朋旅况安伏謁肯誇詞賦徒謀生○久○客○長○安○方○知○此○

始覺道途難天涯愧我携長鋏溪上多君理釣竿兩地離愁

應不惜月明萬里得同看

雖當窮途逆旅之中却有益落龍薩之槩翻覺子美騎驢旅食

冷炙殘杯未為氣色耳

遊西苑

五龍亭館俯昆明隔岸巒光樹杪平不見尚方陳水飾徒勞

嬌鳥報春聲九天雲擁金鰲駕一夜花催玉輦行聞道○可○入○封○事○至

尊休物力肯將隙地賜民耕

方朔詼諧意主諷諫司馬賦草不廢箴規此詩結處大得

此意

古聊城

燕將開堅壘孤城百戰餘不知守土義翻作說降書

予過東昌

有絕句云火牛即墨戰如雷燕將丹心死不灰何事只今聊攝路行人惟說射書臺蓋與松一此作同一意

女兒詞

十五女兒髮正齊十六嫁作東隣妻不肯低眉事村僮○口○為○胸○中○多○顏○色○只將

顏色向花啼

邯鄲才人嫁為厮養卒婦千古同恨○村壻有何不佳多收數十斛麥勝于黔婁多多矣

意方年弱未  
盡解事耶

燕臺雜咏

看松是處說慈仁百尺亭亭偃蓋新好為長安競炎熱故留  
清陰待閒人

自廟市移慈仁而松間為之不靜長安貴人亦時有携樽壘鼓吹而至者安得清陰長伴閒人乎憶壬辰秋予與韓子聖秋吳子岱觀日夕來松下

輕鞞窄袖紫驂騮花裏搖鞭笑語稠陌上何心怨楊柳兒家  
夫婿已封侯

翻得好

花朝後一日

一春底事過花朝花信江南久寂寥昨日韶華今日夢客濕  
那不逐春銷

為後一日增出許多妙想

粵東詩集如亦史翼微台臣東堂倬雲弘導憲尹修閣雪洲尹衡舜光皆大濤所授者松一稿為極備故多採之

曹禾 頌嘉峨眉江南江陰人

題剪髮圖贈蘇母

牛晉南遷江左亂手扶日月長沙公當其伏處江夏日孝廉  
名士時過從寒宵客來人馬饑芟菟酒饌難為供嗟哉慈母  
勤延客為子成名無所惜四顧惟餘敝薦存孤燈冉冉照刁  
尺儀容久矣羞鏡奩鬢髮猶然勝膏澤三尺青絲一寸心忍  
為盤飧輕棄擲流傳圖画在人間霜雪難凋松柏顏後來繼  
踵誰似此廣陵蘇母差堪擬

摹寫剪髮一段奕奕有神

周裴 翼微江南太倉人

野田黃雀行

黃雀群飛自相語低飛莫向荒田裏荒田無食青草長草根

又○作○田○家○根○啞○啞○尚○憶○前○林○樹○林○空○濯○濯○無○栖○處○寄○語○黃○雀○  
莫○相○嗟○不○如○去○啄○園○中○花○  
慘切如聽  
隔窓鳥語

曉發蒙山

曉○行○風○景○異○天○半○起○烟○鬟○水○湧○將○浮○日○雲○連○欲○斷○山○棗○陰○依○  
路○轉○沙○嶼○逐○溪○灣○正○擬○尋○樵○徑○荒○深○不○敢○攀○  
着意  
摹寫

蕪城夜泊

縹○緲○高○城○更○透○迤○竹○西○歌○吹○傷○清○波○舟○鄰○估○舶○鄉○音○雜○花○暗○  
倡○條○暮○雨○多○千○尺○錦○帆○秋○幾○許○長○橋○明○月○夜○如○何○玉○鈎○斜○畔○  
年○年○恨○野○水○蒼○烟○黯○綺○羅○  
風流俊爽令人  
想叔寶當年

登大觀閣

傑○閣○崔○巍○亦○壯○哉○湖○啣○殘○日○望○中○開○巡○簷○鳥○向○雲○邊○下○夾○岸○

帆○依○樹○杪○來○翠○葆○朱○旗○神○女○座○風○斤○月○斧○梵○王○臺○凌○虛○未○戒○  
咸○陽○火○不○信○天○宮○有○劫○灰○  
鍊處極為安  
雅結更有意

寄送瞿公歸五龍次龔大司馬送旅公韻

深○秋○聯○榻○抵○殘○年○繡○佛○頻○逃○醉○裏○禪○樓○影○響○衝○槐○葉○雨○松○陰○  
寒○沸○竹○鑪○泉○閒○心○白○社○思○筇○竹○舊○約○青○山○負○釣○船○此○際○江○南○  
春○漸○好○緩○風○輕○雪○早○梅○前○  
清新俊逸  
以評此詩

送沙定峰遊淇水

太○行○天○末○隱○芙○蓉○翠○積○淇○園○路○幾○重○山○勢○千○迴○終○望○嶽○河○流○  
百○折○自○朝○宗○名○賢○邑○井○傳○蘧○史○謠○俗○轎○車○問○邶○鄘○懷○古○登○臨○  
心○倍○切○錦○囊○三○尺○倚○孤○筇○  
愛其典重勝他  
人空翻一種

沙張白

定峰江南江陰人

牧童詞

朝上故陵坳。暮下故陵曲。燕姬趙嬪塚。轟轟饗堂基。上野梨  
開山榆無主風。吹綠當年一顧傾。人城今日荒原蒿滿目。

音旨 悽緊

送友

潛躍有定分。達人會其微。襄陽孟浩然。白首猶布衣。開元止  
全盛之子。蚤見幾才名。豈不隆所感。非知希。看得襄陽  
有遠識

同杜茶村登鷄鳴山作

螺峰點點衛禪關。遠樹蒼雲露碧鬟。地號臺城猶建寺。眼無  
宮闕只看山。朝參禮在峰能守。王謝梁空燕不還。遙憶平蕪  
嘶牧地。六堂鐘鼓舊鷄班。  
茶村有秋日上鷄鳴寺後湖亭  
詩廢寺無僧住山光亦不觀石

門欲壞道風業侮游入直視毘盧面猶多戰馬塵霜鐘  
殊寂寂空外吼何頻僕甚愛之見定峯作又為嘆絕

楚游雜興

六代繁華付劫灰。雙峰無恙自崔嵬。牛羊背負斜暉去。鴻雁  
聲傳朔雪來。潮到小孤無海信。樹過彭澤見山才。滔滔不盡  
興亡感。熟讀離騷痛舉杯。  
風調聲激

新曆驚看已換庚。推篷喜見一江晴。雲收百里林皋出。春散  
千山草木迎。馬齒漸增愁白髮。龍眠孰起問蒼生。嚶嚶出谷  
思同調。醞酒還期聽友聲。  
逸響過雲  
如吹鐵篴

別彥發弟

只道別離易。送君南陌頭。歸來逢日暮。燈火照空樓。

無限 情致

彭師度

古晉江南華亭人

燕臺送黃天濤歸海陵

君向江南去，長安柳作絲。玉臺催句早，金勒踏花遲。三月連鄉夢，千山入酒卮。還家定相憶，鶯喚夕陽時。

有花明柳媚之致

白夢鼎

再見

感遇

岩築有佳夢，明良徵浩歌。紅顏擊朱鷺，黃鳥青春過。丈夫有知遇，二毛非蹉跎。起視星辰光，爛熳照大河。及時崇明德，日月正以多。所當秉燭遊，其如岩栖何。

孟新負當世之望而鬱鬱草中諱此詩正

復抱膝撫髀意氣豪上

山雨過蓬門，谷蘭發幽吹。攬鏡心自傷，暗墮平生淚。昔人愛

景光及時吐，神智天意豈相欺。所貴慎所寄，十年空上書。光聊自媚，一日抱膝吟。萬里在征轡，饑寒聖人心。與我同寤

寐

讀才二句魏煞

芳草綠，近天照我溪。上閣雙鶴一鳴飛，胡為嘆離索。丈夫各

有懷，丈夫各有託。君有雲中行，我有湘江約。黃鶴豈不歸，晴

川明如昨。鼓翼出波濤，乘風采蘭澤。離別亦何憂，交歡聊自

樂

聲情逼真十九首固非貌似

萬竹園同張瑤星孫阿漚錢湘靈諸公修郡志呈周櫟

園鄧元昭先生

今古遙遙集，此中發潛搜。隱賴羣公山川不讓東，吳志人物還他江。左風百代品，題雙眼。白千年憑吊一燈紅。鍾峯日月

龍江雨常在三山二水中

讀末二句輒思老杜楚江巫峽半雲雨之句

仲秋園居即事呈櫟園元昭兩先生時郡志初成

江雲江草暮陰陰一徑蕭蕭橫古今桐樹初栽無落葉鳳凰

雖去有遺音高天四望雁鴻杳秋水當門風雨深愁絕居人

迷去住來朝相約再携琴

城隅萬竹日初斜谷口相尋路不賒荷葉香中人十里鷓鴣

聲裡雨千家峯頭搔首青天句月下遙思白鷺槎不為登高

生寂寞荷鋤應老灌園瓜

雋令之中氣自蒼厚

過春雨草堂和宮紫陽年伯韻

先生高臥海雲西指點春光路未迷天下文章鸞鳳出三江

花柳燕鶯啼一溪芳草煙初綠百尺層樓誰與躋莫以躬耕

忘海岸

聖人昨日正扶犁

是時耕藉不易到

江雲江樹影婆娑湖上春風君占多北渚垂綸人正健東山

對奕望如何太平詞賦傳天寶山水風流憶永和亦行吟

來澤畔昔年曾記海陵過

情文蒼蔚

春日同孝威仙裳天濤泛舟湖西再和草堂韻二首

南山煙水板橋西十里春光去復迷小艇幾人牽柳過沿溪

一路聽鶯啼藤花帶雨真堪摘石磴穿雲尚可躋此地灌園

誠樂事掛書牛角且支犁

十年不見此婆娑舊雨堂前懷友多海岸春深人未到岱宗

雲起事如何千秋戰馬思忠武一代雕龍屬彥和方在城南

復城北回船煙草晚相過

結意最為近古四詩筆歌墨舞饒有逸興

張圯授孺子江南如舉人茗柯軒集

聽通州白壁雙彈琵琶歌

琵琶好手難具述叙次歷歷如見白三居然推第一平生雅耳段師名想慕  
 多年如有失去歲傳說離通州嚴風急靈吹羊裘檀槽未譜  
 相思曲耳根已似聆筌篔今年初夏集水繪主人解事當今  
 最為我走覓白琵琶歡聲已溢垂簾外後堂茗椀又一時白  
 老捍撥聲遲遲登場一曲見大意白髮高僧讀楚詞亭午以  
 後忽嫵媚雛鶯乳燕聲初試斷續輕歌信手彈宛轉朱絃恣  
 遊戲妙來酒力已半酣王陵鄰哥如面談四條絃上西門死  
 嬉笑怒罵情何堪曲終更理陳隋調楚楚哀音老猿叫當時  
 玉樹後庭花后主悲魂猶窈窕吁嗟吁嗟白三郎琵琶落盡  
此下接入感慨最有情味

深秋霜弛絃緩撥且暫起感余老淚沾壺觴空羣妙技胡為  
 者贏得歌臺紅玉罕故宮禾黍已經年夜深雨打鴛鴦瓦當  
 時情重白香山曾聽琵琶江水間君真後裔推能手落日揮  
 絃心手閒琵琶琵琶有如此陵谷滄桑吾老矣紛紛坐客向  
 余言尚有說書柳麻子庚戌雪夜予同許漱石陳散木項  
○史○記○手○法○嶧雪諸君在枕烟亭聽白壁雙琵琶  
琵琶孺子不至深以為恨今仍遇之湘中懸  
雷間乃有如此風流跌宕之作真為快事

雨後對月懷呆翁大師

冬月如秋月城南不共看獨吟燈對面深坐夜無寒枯樹影  
 如畫清茶氣若蘭更殘人盡睡筆墨自盤桓○中○有○月○景○  
清思

中禪寺訪友不遇望隔岸池亭作

何代中禪寺幽踪與世疎客來枯樹下僧立夕陽初山冷餘  
○便○是○禪○意○

荒雪亭閒貯好書主人尋不見深閉子雲居

柴門空閉鎖  
松筠自古皆

然惟靜者自  
為領畧耳

春日餞別黃仙裳歸里即入都門

樽罍又向別離陳南浦驪歌送美人去路馬嘶芳草岬還家  
花發故園春幾年作客形容老千里辭親涕淚頻知爾交遊  
滿京洛不妨襍被走風塵

高亮而情緒自流  
集中最為警作

送陳其年歸陽羨

百年吾老滄江岸千里君歸陽羨城滿地于今猶野哭空囊  
何事獨宵征幅巾佩劍穿山路匹馬衝泥帶雨聲此去故園  
螢已亂誰同秋月一經行

伯幾以鍾譚詩為橄欖湯予謂  
必如孺子此作乃是諫果風味

觀淪波女史画蘭

輕烟滿眼弄秋姿秀絕人間女教師葉葉枝枝心上影誰人  
覺汝用心時

覺字談  
何容易

月夜聽孫郎度曲

不肯逢人笑口多冰絃緩撥助清哥一聲此夜難消受只把

金盃喚奈何

金杯字面用在  
此偏覺雅甚

坐文修山樓聽画眉聲作

放鶴閒時讀楚詞樓前相對好花枝莫教閒着張郎筆試聽  
聲聲喚画眉

孺子學道人而于情字領  
畧極細極靜固非枯禪

郁植 東堂江南太倉人

重陽日書懷

客裏渾忘佳節至偶然憶得倍咨嗟籬花滿把從教插萸酒

他鄉未易除已盡稻梁無過雁乍銷烽火尚聞笳隨人謾作  
登高望風浪如山不見家  
一掃靡氣可以救世之學步大樽者

贈陸麗京

飛章北寺正縱橫百口牽連頌繫輕為告鄭虔曾撰史豈知  
高允竟全生皇天有意憐忠孝人世無端借姓名合浦未歸  
西市去暮雲回首總傷情  
以古事配今情筆力矯健

許嗣隆

山濤江南如皋人孟晉齋集

繫舟

薄暮荒江曲乾坤此繫舟數帆收廣岸孤月上空樓水白千  
峯影蘆黃萬里秋滔滔渾未息不敢道安流  
虛涼之氣蕭蕭襲人

邢江寓樓喜穀梁自都門至

客中客到仍為客無意相逢意更親十五年前雙淚眼三千  
里外一歸人正逢月好當秋夜猶記書來是蚤春秉燭深談  
非夢寐開懷莫厭酒杯頻  
清空一氣如話

河亭

秦青歌謫遺雲來橫笛雲郎坐綠苔唱到水烟斜斷處人家  
簾子一時開  
令人魂銷

紅橋曲

兩兩鴛鴦立渡頭美他文彩與風流無端十月揚州路却看  
鴛鴦坐水樓  
遠甚脫甚

旗亭蹤跡久風塵画壁新詞頗絕倫濁酒一杯歌一曲菊花  
偏醉未歸人  
滄雋

夕陽影裏雜芙蓉。夾路園亭烟水濃。向夜酒闌歸古寺。玉簫聲斷又寒鐘。  
蕭然。山濤俊妙之筆。昔為阮亭所賞。此三絕大有柳絮因風之致。  
葉 藩 桐 初 南 屏 江 南 太 倉 人

重陽前二日同貞栖茶村兩先生坐快哉亭  
竟不須欄檻。秋光戀此亭。時當重九近。山有十分青。斷雁乘風去。孤雲向客停。忽聞笳吹起。落葉滿郊坰。  
老氣逼人

秦淮雜詩

利涉橋邊波浪生。王家桃葉悔留名。時人竟作尋常路。河畔曾無喚渡聲。  
惟我輩乃知此耳

沈受宏

台臣江南太倉人述齋詩草

贈蜀都郭汾又觀察

豈不思歸去。岷峨舊日兵。一家惟白骨。萬里只荒城。寇盜逢斯世。鄉園別此生。卽今天畔眼。空復見昇平。  
字字蒼老

哭吳梅村祭酒

天上空聞記玉樓。南朝宮闕井槐秋。是非百代從青史。哀樂千場送白頭。山客累惟多辟召。詩人名自足風流。松陰碑碣他年墓。官爵傷心話故侯。  
知已語。後卽有輓梅村者。無踰此作之確切。

惜別毛亦史

春入旗亭柳色黃。烏啼人別路。初長孤舟一月三。千里未過大江猶故鄉。  
去唐人何遠

粧成

十八粧成髻壓肩。紅闥深鎖過春天。東鄰姊妹新來嫁。却比

兒家更少年可勝紅顏  
淪落之歎

曹繡文虎江南如皋人  
盱眙遊草

早行

月○澹○鳥○飛○露○氣○清○雷○公○橋○下○問○前○程○征○衣○錯○認○朝○光○射○猶○是○  
荒○村○獵○火○明○便是北道風  
景詩能傳出

古香積寺

南○朝○舊○日○知○名○寺○地○古○碑○橫○半○夕○陽○惟○有○浮○圖○長○自○在○不○關○  
興○廢○是○空○王○李杲堂有句云只餘廟  
火照興亡意同而語別

登樓

九○分○春○色○十○分○愁○步○屣○何○心○更○上○樓○南○望○直○窮○千○里○目○綠○烟○  
滅○盡○水○悠○悠○縹緲  
無盡

夜聽琵琶

月○黑○花○冥○更○漏○遲○悲○絲○正○共○別○離○時○憑○君○說○盡○邊○關○苦○二○十○  
年○前○總○不○知○感稟  
淺矣

王吉武憲尹江南太倉人

破龍澗

○音○響○人○  
洪○雷○夜○響○滄○海○底○錢○井○怒○裂○毒○龍○尾○空○山○石○破○真○珠○噴○一○夜○  
化○作○蓮○花○水○潺○潺○萬○壑○聽○琴○聲○野○花○落○澗○春○香○生○清○寒○自○是○  
瀉○石○髓○霜○液○豈○染○蛟○涎○腥○火○著○電○鬣○從○天○下○至○今○寒○泉○尚○餘○  
赭○千○年○松○老○褪○蒼○鱗○猶○似○蛟○涎○神○物○化○山○僧○晚○汲○風○滿○衣○洗○  
鉢○貯○得○真○龍○歸○膽○瓶○插○花○佛○前○供○雷○雨○還○從○鉢○內○飛○奇峭  
森鬱

疑有蛟龍  
欲生烟雨

王會斌 弘導江南太倉人

錢王祠

錢塘亦是與龍地。王氣依然據上游。鐵箭舊傳唐歲月。璽書  
會拜宋春秋。江潮出沒三千里。風雨淒涼十四州。剩有湖山  
供廟貌。坐看錦繡欲生愁。

典則出以飄逸翩翩欲仙

李葉

倚江江南崑山人與化籍

無錫道中

薄暮來吳地。孤舟泊水灣。酒帘搖碧浪。松勢引青山。風送歌  
聲杳。人穿花徑還。起看雲外塔。渺渺未能攀。

點染生動

晚眺

前溪渺渺漾清波。幾處漁舟發棹歌。光滿碧天晴見月。香生

遠浦。依稀荷氣蒸空翠。低城堞雨歇。浮烟繞薜蘿。閑眺不知  
人去盡。惟餘樹影獨婆娑。

清芬之氣綠繞楮間

周廷徵

修閭江南太倉人

晚抵蒙陰

薄暮蒙山下。諸峯晚照移。春泉開魯酒。野繭裂新絲。密樹巢  
鳥穩。荒城過客疑。一鞭人共指。前路有青旗。

北路風光寫得刻至

許焜

舜光江南太倉人

石頭城

虎踞稱天府。崢嶸勢不平。論兵空石壘。設險歎金城。積草凝  
寒色。傳刁動夜聲。山頭看雪霽。驢背一瓢輕。

穩圓

馮官揆

端臣浙江慈谿人

秋客虞山寄友人

已習草堂靜山幽未可探  
睽違悲故國去住只江南  
落日看涼氣生  
雲薄秋風聽雨酣  
相思百里外寂寞又何堪于五指

曹漢 倬雲江南太倉人

訓五鹿黃寶華送別

隴首孤雲似此身  
風塵落落倍酸辛  
何年法網寬鈞黨  
昨日銀鐙尚罪人  
岱樹轟天齊魯斷  
江帆入夜雪霜真  
相期載酒城西路  
遲我來時及早春

黃層 兩峰福建同安人

琢鍊處皆自然入妙

移居

兩到長安不傲盧  
琴尊最喜傍君居  
移來一榻秋聲外  
補閱

春前木了書

豈風塵中人

呂楠

雪洲江南太倉人

過武丘精舍懷古愚上人

西風颯颯樹蒼蒼  
行盡漁灣過上方  
倚檻晚花烟外發  
到門秋葉社前黃  
雁逃寒雨蓼村靜  
鴉噪暮雲蘭浦荒  
一隊笙歌燈萬點  
當時曾醉遠公房

寫景迷離一結殊為適上

鄭吉士 有章浙江仁和人

舟行即事

低篷一葉走寒河  
水澁途荒敗意多  
百里竟分三日度  
六時全少半帆過  
蕭蕭古岸披衰葦  
獵獵西風滾濁波  
為念舟人筋力盡  
空村無酒奈愁何

寫舟行苦狀可謂曲盡

許朝礎 雲石福建漳州人

九日舟中感興

萍水同舟意未猜。片帆遙挂雨中來。空傳落帽山何處。強欲登高葉已摧。園菊故鄉愁甲馬。塞鴻滿地隔樓臺。勞勞世路無窮恨。漫把村醪醉幾杯。

意興蕭森不掩雄情勝繁

沈 蕙 劭六江南華亭人

送毛亦史還吳

文園詞賦滿皇都。何事雙旌曉入吳。祇為高堂縈帖吧。非關南國憶尊鱸。詩成桂樹篇長短。客渡桃花浪有無。愧我飄蓬猶滯跡。送君翹首白雲孤。

新秀

徐 深 合素江南華亭人

贈別蔣前民

陣陣西風吹蜀岡。寒生襖被那成裝。燈前不意呼鸚鵡。眼底何人贈驢驢。竹徑醉殘中夜雨。草堂吟老一林霜。與君細數論文地。明日天涯秋夢長。

輕妍秀潤令人吟諷無已

送黃天濤歸里兼寄令兄仙裳暨東臯諸子

空堂紅燭付深卮。酒盡河梁獨客詩。交數心期誰劇孟。人從天畔別袁絲。邗江衣帶輕帆遠。碣石春雲一雁遲。舊雨幾年消息斷。玉繩花外寄相思。

合素詩有新柳迎人之致余甚愛之

鄒 翊 儀吉江南丹陽人

送友人入都

溪上聽鶯興未闌。看花又欲赴長安。相憐此會慵題句。惜別

今朝獨倚欄竹杖雲開千嶺碧布帆風送一江寒燕吳莫道  
奔塵隔日有魚書下遠灘風格 秀美

賁 琮 黃禮江南如舉人 文餘集

懷沙定峯

昨夜得君詩知君念我切把讀忘夜深開門一天雪光景 令人

寂然

江亭東望

獨上江亭望故鄉離迷烟樹晚蒼蒼分明一水無多路不見  
柴門見夕陽遠

陳牲成 提公江南江亭人

喜黃天濤歸里兼憶尊公眉房

一經握別又三年獨對邗江坐晚烟柔逐風高憐月底人隨  
花發在春先侯芭已見標江夏陳寔由來重潁川說到故交  
聲已咽只將雙鬢照燈前結句情緒搖搖 如聽山陽之笛

李 勅 天叙江南興化人 寶華堂集

築堤謠

歲築堤築堤苦止二更作五鼓十人饘粥一人煮刻期會食  
昔用午河凍冰冽鑿冰破膚鑿冰行取泥賤命而貴土寒雲  
漠漠天雨霜督工長官髭鬚黃烹羊宰牛持大觴持大觴威  
如狼筆力悍 如強弩

履冰行

履冰行墮冰死前人雖墮後不止嗟彼小民愍不畏死匪不

畏死家有婦子四字有無限含蓄

顧焯仲光江南如舉人墨澹齋草

李倚江家虞功道經西冷雨集話舊是晚即渡江東去  
故人千里至短棹歇楓林不意纔携手翻增惜別心層雲迷  
嶺暗落雁聚沙深為問年來事羈愁總不禁圓而秀却不入嫩

靈隱寺

危閣擁空界天風自遠鐘憑看諸法象獨認九芙蓉身道曾  
無際蛇盤更幾重坐深不覺晚謾謾響長松意沈語亮固為精能之製

吳觀垣六平浙江錢唐人

都門送友南歸

當春日自憐猶不歸看花惜寂寂折柳悵依依河浪推

鄉夢風沙瘁客衣且將三徑志暫息北溟飛謝過之小忽振奇響

杜世履栢梁湖廣黃岡人

舟過燕子磯

孤舟傷客魂峭壁轉江門錢積千尋色潮歸萬古痕流鶯啼  
渺漠老樹引黃昏媿我懷前路登臨不可論清微却有力

玄妙臺作

躋嶮步危廊登臨逼大荒廻颺孤塔動踈雨萬山涼秋豈堪  
懷古人今不望鄉亭前聞落木消息近重陽語警思勝

鄭一鳴凌蒼江南江都人

宿萬壽寺

地迴松濤徑風清雀啖天閒僧逢客喜宿鳥畏人遷殘月聞

鐘動疎星向樹懸遠公如有約我亦愛逃禪

自然之極無一熟後

郁江 尹衡江南太倉人

都門送友人歸里

相看京邸話離居肯向長安滯蠹魚對酒思鄉人易老臨風惜別夢還餘龍門世路輕文舉狗監因緣負子虛今日烟波歸棹急草堂仍擁百城書

慷慨以慨

龐鴻 達公江南嘉定人

吳宮詞

屨廊移得苧蘿春沈醉君王夜宴頻臺畔卧薪臺上舞可知同是不眠人 趣

田鎡 太虛江南泰州人

春夜寒甚

帙散虛牕側短檠微裘孤擁入三更漉將新酒何辭滿想到疎梅分外清燕子未來春已半雪花纔歇雨還生且從襍被

耽高臥莫問明朝晴不晴 昔人評梅花有云烟姿玉骨世外佳人吾移以評此詩

朱璐 式玉石城江南泰州人

春思

晴峰靄靄水淙淙極目蒼茫思不窮池浴沙鷗吹細浪亭翻紫燕舞輕風千年戰伐山川在一夕樽罍感慨空那用孤城愁極目含香春芷碧烟中 寫景似平而用意處甚為沈刻

蔣斯行 存恕江南揚州人

過北禪堂與法涵二上人茶話

路北遺僧舍相過意頓清欲窮無我相肯逐世間名花雨原  
空際茶瓜豈俗情徘徊不忍去歸路繞鐘聲清而有味

釋野楫 梅岑江南江寧人

江上送客

隱隱孤城暮茫茫塞角聞異鄉重見日落日又離群是我還  
家路如何復送君斯須帆影沒祇見隔江雲踈踈有致是中唐逸響

王雍鎬 京式山漁江南泰州人

寄懷吳門蔡九霞

江南忠烈舊門墻嶽嶽儒宗衆所望倒疑愧非王粲後執經  
先認鄭公鄉兩兒允甲茂遙憐夢老平山路已報花飛響屣  
廊計到蘇臺勞貫酒却弄桃塲又斜陽遺裁明哲而雋氣自不可遏

黃鍾 長音江南泰州人

過魯故宮

壞道存老槐不識何王殿画棟酸風生寒光撲人面洙泗潺  
潺入御溝年年依舊向西流晴山照落銅駝暮月夜魂歸妃  
子愁荒涼園囿生青草宮門長閉經過少塞馬千羣雜還來  
彎弓喜射樓頭鳥哀哀惟聽鳥飛鳴彷彿如憐故地情更愁  
風雨蕭蕭夜絕壁陰房鬼火清文情哀艷比于少陵江頭諸篇

晚次衡山縣

山城吹笳復擊鼓江清月動歸舟櫓買酒缸頭坐月明酣飲  
長歌拔劍舞衡山峻聳碧雲端萬仞蒼蒼列岫寒翹首松林  
惟鳥道輕舟萍跡只江干酒闌夜靜朔風起星斗搖曳江波

詩經卷之十一  
○○心○勃○勃○  
裡岸旁猛虎夜咆哮男兒意氣應如此

中藏稿  
短歌中有蛟龍騰  
舞之勢想見酒酣

時也

黃 沆

公言江南泰州人  
烟鬟小草

聽韓經正彈羽化操

夜靜羣聲寂枯桐响更清鶴鳴瑤草綠鸞舞玉山青露咽橋  
邊笛風停月下箏空塔音未絕梅影過春亭

結處悠然  
足移我情

黃德溢

沛四江南泰州人  
臥吟

春山

望望江天迥春山碧落中日晴嵐氣動雲淨石門通苔蘚鋪  
幽磴花枝冷梵宮杜鵑啼不住疑在最高峰

結意  
縹緲

公言沛四皆江夏之秀而沛四為聞遠令嗣仙裳尤為予  
極稱其夙友乃濫先朝露天濤示我遺詩附錄於此

黃陽生

吧懷月舫江南泰州人  
念祖郁李吳越諸集

醉里訪褚研耘先輩園居

十載聞風義今來訪隱淪浪遊為俗累高臥足天真暗水趨  
池滿秋聲出樹頻會心何在遠魚鳥自親人

固非塵  
凡中語

已亥秋深與鄧季威先生坐家園

亂後來深院荒林落葉平秋風欺破屋朔鴈唳寒城酒傍陶  
家漉詩同謝客清豈知鞀鼓震幽興為君生

全詩從亂  
後着想

聞顧與治前輩詩奇

相逢記得在秋前十日歸來事忽遷知己恨離三百里病身  
愁卧幾多年心傷伯道終無嗣世少鍾期已絕絃此後新詩  
更難見望風遙莫倍潸然

詩境已  
造蒼棘

東原月夜與宗梅岑先生暨仲弟交三散步  
亭閣淡烟斜開扉夜色嘉蕭涼無限意白月掛藤花淡而妙

溪居望交三弟不至

東溪日夜水滌洞蘆葦蒼蒼繞釣臺小艇題詩孤對酒眼穿  
不見惠連來骨肉中有文字之樂眉山固云與君再世為兄弟也

和唐祖命先生見寄

山溪黃葉打秋窓北望銷魂水一江收過稻苗人事簡荻花  
叢裏放漁艫只似作秋日遣興詩而寄唐之意已隱然言外

月舫春夜寄白蒲諸子

春浦垂楊綠幾株每從清夜憶吾徒莫言客子孤帆遠明月  
依然滿白蒲詩情在卽離遠近之間

黃泰來

交三江南泰州人蓮浦集

澄江道中寄張任天章子觀徐石霞韓寶雲諸君

冒寒帆影疾日出海邊遲竹暗春申浦雲迷季札碑山家忙  
歲事遊子迫歸期莫慮前途滯澄江有故知安閒得詩家老法

姑蘇懷古

佳麗千秋憶闔閭吳王宮闕已荒蕪採香徑沒青山在響屨  
廊空夜月孤霸業不堪同逝水興亡何處問啼鳥浪傳西子  
終歸越一片菱歌散五湖清麗如浣紗溪畔人

秋晚同唐祖命先生渡鑾江夜次朱家口

秋老人同北路歸晚投荒浦思依依山雲繞寺塞鴻過漁火  
照江風荻飛客裏空囊添酒債月中涼露薄征衣扁舟此夕

追從處痛飲狂歌興不違

清思逸發如聞牛渚嘯詠

雲陽覽古

川原明媚繞雲陽夜半啼鳥過女牆可嘆蕭梁千古後楸梧

搖落建陵荒建陵梁武帝塚輒喚奈何

吳門卽事

寒雨蕭蕭江上生西風愁絕闔閭城踈鐘尚憶寒山寺夢斷

楓橋落葉聲詩腸特妙

邗關夜泊

楊柳堤邊落照遲暮鴉爭集最高枝銷魂莫問當年事何處

紅樓翠幙垂似杜紫薇當日語

交三乃吾友仙裳令嗣宗子定九之快婿也年方韶秀雅嫻詞賦兼工畫篆諸技與阿兄月舫稱二難當時重之

薛開本莽江南如皋人

曉步

蕭蕭野色曉山清却帶松風拂露行雨氣全收孤寺見烟光

直上一村明漁舟所纜初離浪獵騎頻嘶早出城最是客心

傷遠望等閒步屨亦愁生胸有感集故不  
僅爲花草之言

堰口雪夜黃天濤齋中晤焦獲孫豹人卽席分賦

臘殘不解還爲客客裏逢君作客同雪積路迷千樹白酒醒

心折燈紅刻溪棹繫郵亭外堰口詩成別夢中料得明朝

增悵望依然渭北與江東詩腸委宛  
結處更道

何錢龍若江南丹徒人  
秋墳集

清明舟集

幾載傷樓泊移樽又淺沙客心消燕語春水醉桃花老屋人  
誰健荒江日易斜却憐孤墓遠何事久離家  
夷楚之音 易惹人淚

餞陳其年夫子北上夜聽白三琵琶

日暮邊沙起戰雲六朝名士盡從軍難堪此際關山月更向

江南馬上聞風情騷宕絕類 桓子野一輩人

繆尊黃目 江南泰州人 遂園稿

郊行即事

遠水浮城廓悠悠適此心顏垣行處古老樹望中深却喜山  
光近還憐暝色侵去來烟霧裏何地不層陰  
清而 潤

喜晤杜輟耕

陰晴屢換日初長有客停車到草堂花近江樓將破藥柳窺

驛路未舒黃相逢不改交如石別久何由髮已霜此意無須

多慰問開襟一笑共持觴筆意 蕭灑

錢觀目天波齋 浙江錢唐人 栗園詩

遊西山

同人纔別章江渡策騎初來萬壑中出谷亂雲霾古寺滿山  
殘葉起天風波迴絕澗千峯合日落寒林萬壑空猶有嵩陽  
舊時事好將清磬禮休公靜細之詩 雅符山水

顧九銘斯敬 江南江都人 怡園集

遊金山

北向瓜洲渡南迎鐵甕城塔高如日近水急似山行處處禪  
房靜年年戰鼓鳴何時鯨浪息高倚萬峰晴  
寫景 活

遊竹林寺

寂靜竹林寺。惟餘鐘磬聞。四圍松蔽日。滿院竹留雲。僧定驚人語。山行礙薜紋。堪為高隱地。身事恨紛紜。極靜

春閨

鶯啼偏覺懶。花滿帶愁看。人道三春好。羅巾總不乾。似太

七夕閨詞

牛郎今宵慰好迷。鵲橋應護彩雲稠。雙星且是經年會。無怪狂犬愛遠遊。好自慰藉

姚曼 東只江南歙縣人 卽廬草

舟行界首望珠湖同張大公度

長堤望斷柳絲烟。二月春風正好眠。極目已無歸馬地。傷心

猶對落花天。孤篷客夢還山路。小市人爭賣酒錢。慚愧年年

飄泊盡同君。又上廣陵船。吐納風流

王孫驂 參馬 軒 江南泰州人

山行和滄洲韻

遙見雲屯嶺。入山不見雲。龜蒙連一色。齊魯勢平分。客路情

方定村。醪氣正薰天。涯成聚首誰復怨。離群 獨爲精細

韓肅 西浙江山陰人

懸瓠池懷古

吳氏方阻兵。蔡人久困劇。常侍提雄師。奉辭討僭逆。英謨在。誘降先拔文。城柵冒雪夜。長驅展如過。衽席揮戈驚。鷺鴨軍。聲相籍籍壯。士忽登墉。逆臣遂獻馘。振旅待鞠場。勳高能不

言  
卷之十一  
中藏稿  
伐翳維將相調功成銘碣石竭來茲池上寒裳度荒陌不聞  
驚鴨喧祇見狐兔跡峩峩朗山青泐泐汝水白撫景發深省  
徘徊日云夕  
憑弔處蒼涼動人

魯東錡

載馨蒙崖江南江都人偶然草堂詩集

南還別同年吳蘭次黃繼武沈國望戴弘度徐原一馬

殿聞繆歌起黃庭表茅且弋鄭晦中張禮存諸子是

日宿河西務

黑雨掛灘前山平雲復連歸帆輕似箭離唱細於絃宿鷺拳  
沙渚鳴蛙聒暮天來朝關口渡莫稅載愁船  
音調高激

雪夜蕭寺聞笛

古寺深寒倍寂寥殘燈雪影共清宵玉樓待月人何處金勒

乘風馬更驕裘敝囊空歸思急茗香酒熱客魂銷嗚嗚夜半  
吹來笛疑聽簫聲念四橋  
結處風神縹緲

廣陵野望

當年名勝是誰園今日猶來士女喧閣倚平山迷遠樹舟橫  
野渡入孤村六朝佳麗餘蕭寺一郡烟花澹華門踏遍郊原  
春草色雙柑何日削芳樽  
言外餘感慨意而頸聯尤佳

陳確菴過訪草堂賦贈

五十頭顱霜雪催相逢義氣屬蒿萊繁華風景幾年別憔悴  
衣冠六代來剩有詩書留講席空餘烟月在樓臺與君深識  
漁樵意共看浮雲天際回  
叙述哀涼方是贈確菴詩

雨中答友人

露霖不斷日霏霏，蘿薜侵人碧。上衣猶憶當年楊子渡，滿船歌送采菱歸。  
韻甚

王奇遇 聞依江南通州人

客語溪懷雁

今秋何事雁忘歸，細雨涼風木葉稀。紫塞望餘斜影沒，青山吟罷遠書違。愁經烽火來無日，憶別瀟湘淚滿衣。似為稻梁南國少，甘蒙霜雪老金微。  
○深○厚○ 借雁寫懷風旨固自適宕

袁衡 帝簡江西豐城人

秋夜對月

葉落空庭露氣清，月光如水鳥頻驚。烏衣喜對霓裳曲，白髮愁聞玉杵聲。簾捲竹風親几杖，籬開菊蕊滿柴荆。嗷嗷忽聽

天南雁叫動鄉心，淚更盈。

詩情澹遠

釋行如

雪菴江南合肥人詩存

棲賢道上

遠近山程興不違，此游况乃趁晴暉。雲脚峯髻疑天接，泉濺苔衣似雨飛。惟石猶堪延我坐，鶴庚何故喚人歸。偶逢靜者能留飯，春暖林香笋正肥。  
澹潤

釋宗炳

慧謙江南泰興人竹院集

春日遊鄧尉山

萬峰深處有流泉，松徑藤蘿杖策穿。十里梅開香到寺，洞庭猶隔太湖烟。  
身在烟霞放眼極曠

江允炳

石鄰曲江江南婺源人通州籍即園集

文選樓懷古和阮亭使君

最是登臨易惹愁。况經世代復悠悠。讀書不見當時侶。殘簡空傳今日樓。斷碣冷烟梁代路。寒鐘蕭寺廣陵秋。增冰玉輅言猶在。事往空隨暮水流。

起處似不着題而神情最妙

謝天錦 漢襄陝西蘭州人

望岱

策馬青徐道。巍峩仰岱宗。烟霞生漢篆。風雨老秦松。三殿齊嵩華。千林落鼓鐘。群巒天外立。環繞丈人峯。

氣力高勝

關山

一眺關山道。巉巖矗萬重。苔深蹲虎豹。木古下虬龍。雪練飛泉豁。雲房卧石封。年來游已倦。對此興還濃。

英岸如其人

吳維翰

五玉江南如皋人菊隱園稿

從盧龍孫子儀。叔祖宿金山。雪公僧房

艤棹問山阿。登臨且放歌。峯高留月小。徑曲帶雲多。塔影遙連樹。鐘聲遠應波。相看良夜永。對酒莫蹉跎。

不必穿鑿正自雋勝

逃樓懷古 次王阮亭先生韻

隋堤楊柳幾經秋。策馬平山訪舊遊。錦纜已隨流水沒。玉階難為故宮留。可憐粉黛三千女。空占烟花十二樓。往日笙歌今在否。荒臺古月照邗溝。

全以老法勝人覺取青姬白者不無尹邢之別

五玉四齡失怙事母夫人以孝聞蓋至性有過人者所著有讀義草點點是淚恨幅隘不能載也

鮑夔生

子韶江南歙縣人家贛州江上集

登塵外亭兼懷程周量舍人

宿霧空濛封石磴。上方鐘磬出層巖。客來煮茗燒黃竹。鶴下尋巢遶碧杉。一帶荒城啣落日。兩江流水亂歸帆。舊遊記得同君處。画省如今似隔凡。  
○是○度○州○風○景○  
用險韵如不經意固其筆妙

李 湘 涪源江南江都人於斯堂草

登瑯琊

不知蔚然色深秀。始何年紫接雲間樹。青扶谷口天空庭。來衆響斷碣臥蒼烟。剥啄柴門下山僧掃樸旋。  
○圓○而○警○兼○詩○家○之○勝

江夜

寂寂蓬窓一線天。踈星次第照鷗眠。漁燈漸隱波濤靜。蘆葉無聲秋滿船。  
○靜○極

王 簡 心遠野鷗江南泰州人

秋雨歸村

社日農家開濁酒。雨中何處問孤村。湖田漲急愁崩岸。野浦舟爭想到門。狼藉荒苔沿井口。縱橫亂草沒籬根。衰年不見逢豐稔。搔首燈前應斷魂。  
○善○寫○田○家○情○事○得○王○儲○之○遺

錢 點 鑿濤浙江嘉善人百可堂詩選

春日滇行即事

盤江渡口鐵橋西。萬里風烟問碧鷄。嶺樹雲生籠晚日。馬蹄雨過滑春泥。荒墳幾處清明哭。孤館難堪謝豹啼。當日相如持節去。王孫芳草可萋萋。  
○風○致○絕○類○許○仲○晦

大華山遠望

歷井捫參入化城。蒼茫四望亂山橫。金沙江外人非漢。鐵索

橋東路漸平樹裏遠浮雙塔白雲中高結一峯晴青樓紫陌  
紛經眼是處春風鼓角清今日蠻方皆爲坦道矣詩能傳出

丁龍受田來江南泰州人

春深過朱處士山居

亂木森森屈曲蟠逢晴策杖愛風湍幾灣碧水鷗眠靜一場  
濃花燕掠殘丹藥每携幽處晒朱琴會向醒時彈西鄰蓮社  
聞堪結未許過從眉更攢氣韻恬雅

寄家漢公白門

朝天宮內羽仙家詞客閒行衣帶霞前代風流賞不盡留君  
獨看海棠花宮內海棠一株相傳謝太傅時植漢公寓此

丁行乾自公路嬰江南泰州人

獨饒典會

揚州

城堞迺興廢繁華無盡時荷香侵短棹花氣補荒籬訶吹風  
流遠琵琶世態移高原多戰鬼秋氣最堪悲寫景幽細中多危旨

雨後書感

何山堪避暑瀑過晚江清蛩早陰初動蛙殘徑一鳴日開猶  
帶雨雲漲未能晴共喜秋風近空知費此生蕭疎似山中人語

路嬰乃謙龍之令季也清慧紀倫而澹于世味頗似桓子野張思曼一流人而中道天折謙龍每向余輩言輒爲涕泣所存詩不多予刻其二律以志人琴之痛

丁元會天叙江南泰州人淇園集

偶題

十載鬚眉異浮名只自知家貧親易老才短遇難期小閣孤

○真○至○

燈夜踈窓細雨時每懷千里志拊髀動深悲雅有捧檄之情而願與時

違天復奪其筭豈不可為浩歎

與諸子晚步

論文過夜半携手更徜徉魚動波心月蟲吟草上霜孤僧逢野寺亂火見山莊與盡各歸去蕭然獨倚牀刻意處正自到家

謙龍序淇園詩有云吾家天叙篤學深思為文清刻間寄情于詩則又閒肆可喜洵謝庭之雋哉亦以奄化可歎

謙龍樵園萍蒼三先生過訪因過柳館茶話和答

誰向貧居問終朝對野蒿偶來名士駕相看捕魚舸身隱貪溪靜談深見月高閒遊與屏跡同是避塵勞空山無人水流花開詩有

此境

黃兆隆 永思其先江南泰州人

仲夏丁謙龍王山漁諸子見過村居缺為展待感賦

久作世外想偏側俗情侵頻年安塞劣一椽傍荒林高賢不遐棄惠然肯見臨倒屣恨方遲追呼亂我心囊澁難沽酒家貧已賣琴知己惟鮑叔高情邁古今藉草聊深坐傾耳聆佳吟榴花明照眼桐葉茂成陰客至空歸去黃鸝餘好奇態姿

極為澹雅

宿江家橋蚤發

江聲朝夕打柴扉雪後勞人此息機竹塢烟深埋月色板橋霜急散漁磯村翁投轄如相識客子懷鄉正擬歸夜半鷄鳴裝促早曙光欲出影微微旅中荒遠景色一一寫出

黃衍杜若江南泰州人

春初三日淨業寺同聽法大師講

獻歲和風拂講筵齋心同過領玄詮不逢開士諸塵積一入

禪堂萬慮捐春到早梅舒遠岸雨餘芳草綠平田即今蓮社

賓朋盛不羨東林十八賢圓滿和潤足徵火候

黃師憲汪若江南泰州人

喜天濤兄自燕京旋里

舊好存棠棣新詩愧竹林但存今夕話還是隔年心露溼花

枝重燈昏戍火深依依十日飲試聽塞垣吟清暖如雀

黃藻公采江南泰州人

別仙裳兄授經南村

負笈南村去離兄學授書清尊方判袂落葉緩驅驢坐讀烟  
光裡行吟夕照餘寸心言不盡天畔雁行疎寫得真率

程毓育先江南休寧人

秋日山遊卽事

夕霽澄秋光雙峰挿天半寥廓問重玄北顧臨浩瀚爽氣肅

商飈倒景被雲漢躡屐轉幽深磴級相凌亂澹然天宇空耳

目展遐玩竹翠攬衣祛石駁文霞煥珠玉霏清言紛結心爲

半洗滌開素襟諸天星爛爛片月下遙岑松聲落几案歸烟

銷衆容懷抱亦永歎倦鳥邀侶還野雲占岫斷鸞嶺遡遊觀

茲焉得蕭散秀潔層巒如置身千岩萬壑間擷其片言皆堪珍秘

石駝峯

山光奇不窮，巖陰閱殊蹟。危石如停帆，終古閱潮汐。不受江風吹，但遲幽尋客。  
數言是一篇大遊記

送顧與治過弘濟寺

君又雨中去，烟荒鳥路微。遙鐘下佛閣，落葉上人衣。野火通漁市，江光隱竹扉。真機何所悟，清夢但依依。  
此詩之妙固矣，然却字字切弘濟正見其細心不輕下筆處。

長干行

妾家長千里，裊裊柳絲柔。如何不作纜繫任，郎行舟。

齊梁詞人

桂端德 午公古莊江南休寧人

舟發吳陵

初度匆匆過，催裝又遠遊。舊愁通客夢，新水滿邗溝。舟發闕河月，鷄鳴野店秋。追涼須早渡，鼓柁好風流。  
俊亮

答孫忝菴寄懷

別久羞看月，數圓五年花。事各鮮如閒，情欲托春歸。後幽思還通午夢，前書到乍驚。吾輩老詩成，每憶汝翁憐。何時過訪休菴日，把酒臨風一醉眠。  
一味真樸想見古莊交情

別開陽崔明府

纔聽鳴絃詎忍歸，非關仲叔客情違。只緣親老趨庭切，一任帆高酒力微。梅笑嶺頭迎去棹，猿啼洞口問寒衣。開陽滿地花初發，預恐綸音轉帝畿。  
如此題却有幽思秀句故作

雨夜志感

慎墨堂篋

言卷不集 卷之十一 中藏稿  
夜雨吹簷曉未收。忽聞邊調起西樓。人頭白。兵戈裏。縱聽伊涼也不愁。  
翻說倍覺情深

阻河間

連雨陰陰過客稀。夜來新漲浸漁磯。愁深懶對杯中物。坐看亭前燕子飛。  
筆意自是遠俗

過桃園

馬上馳驅又一村。坊傳結義跡猶存。桃園欲訪無尋處。漠漠槐陰半入雲。  
遠

度桃嶺

登○登○山○路○行○難○盡○。浙○浙○溪○流○處○處○聞○。惟○有○老○僧○無○罣○碍○時○時○。相○送○嶺○頭○雲○。  
令我動遺世之想

詠歸堂印事

齋前風物動幽情。過雨秋棠分外清。一卷黃庭讀未了。遊踪懶聽鷓鴣聲。  
幽中帶嬌

郡侯曹澹齋先生捐俸重修富山汪忠烈祠

殿古坊高已有年。庭槐山鳥弄寒烟。自經郡伯新梁棟。夜夜雲旗下九天。  
忠烈保障六州功德于今未艾。也使君捐貲修葺允矣可傳。

平寇詞贈梁松圃明府

夜半馳驅星斗寒。身先疋馬度重巒。從今箐密松深處。明月家家把釣竿。  
寫溪山太平氣象極為清雅

程奇 公望江南休寧人

十月遊白岳

言歡初集 卷之十一 中藏稿  
一十年來兩度登仙梯路峻再攀藤天門紆曲千巖峭金闕  
嵯峩萬仞升帝女三姑雲裏出真人五老望中疑半空香案  
噴煙靄百里鯨河瀉王純禮殿凌霄星漢遠齋壇建斗岳峰  
層晴飛不斷珠簾雨梅放渾如玉樹冰丹洞曾聞鷄犬吠蒼  
崖又見鹿猿騰徘徊芝草經遊屐畱戀松蘿坐石磴  
穆之 氣 筆端有典

喜育先叔歸里

垂楊几拂釣魚磯征馬還嘶碧草肥客路猿聲淒入夢鄉山  
樹色綠侵衣半江落照流霞彩一片飛帆出翠微遙憶清溪  
迴棹日鶯花也喜主人歸  
秀情雅致如溪山 雨過青翠襲人

立秋前一夕

炎蒸消薄暮清氣入房櫳夏老花貪雨秋新葉愛風客心猶  
畏熱旅壁欲鳴蟲試問窓前月明宵應不同  
貼題極矣而 思路清警固  
勝為佳

秋

涼月掛梧桐何聲樹裏響寒侵客子衣鴈至吳江上

結句冷然

張李鼎 吾鼎慢菴江南如臯人 半紫野樵稿

秋晚家園

瑟瑟涼風振栖遲小閣東一丘侵月白萬樹著霜紅簾冷憎  
寒杵牆陰響夜蟲庭前秋色好醅酌鞠花叢  
絕似 馬戴

訓郭處士過山居韻

亂水芙蓉隔閒門多掩扉樹深蟬噪急苔澁客來稀絕壁垂

青蔓崩崑冷翠微。桂花開正好，不醉復何歸。  
愛其結法之老

次荅黃仙裳晴臘偶過荒齋原韻

荒徑苔花鏤，閒門寂不開。豈期枯坐久，尚有故人來。  
老樹猶殘雪，晴軒欲放梅。莫嫌山館僻，百遍且追陪。  
從容老當

喜姚仲潛同令姪舒恭來東臯次韻

起語佳如○雨○風○流○散○春○江○一○棹○來○亂○鴉○喧○古○刹○幽○磬○冷○山○隈○長○嘯○空○  
林響在歌彈，缺哀愁無生法。酒辜負滿園梅。

南屏

薄暮入僧舍，殘陽在女牆。松高落寒影，花遠度空香。晴瀑灑迴磴，陰蘿蔽曲房。暝來疎磬落，隱隱白毫光。  
穩

別二弟元昆

○江○家○老○境○  
餘○生○翻○意○外○更○訝○汝○重○逢○萬○語○見○時○塞○三○年○離○恨○濃○淚○隨○分○  
水嶺愁壓幔，亭峰又忽各萍散。須臾不可容。  
真極苦極

李儂原 延公江南如臯人可畫樓稿

月夜懷葉桐初杜田夫

淒涼白月到柴扉，獨坐西風萬事非。玉笛盡吹關塞曲，金砧又擣別離衣。故人久為滄江隔，清夢時同秋雁飛。回憶河梁曾有約，黃花欲放好相依。  
筆艷而體輕自是烏衣之後

邵瑞麟 昭伯江南如臯人

黃僊裳寓齋對雪遲吳吾始張季雅不至

此時僵卧者，真不受人憐。深巷斷行跡，破扉關野天。渴惟敲石火，倦或弄冰絃。何處來船客，山陰隔暮烟。  
是雪景  
慘澹飄瞥乃覺情致悠然

汪徵遠

扶晨江南歙縣人  
滄螺集

天海遇雨過石鼓峰菴

朝○嗽○照○峰○際○探○討○殊○從○容○倏○忽○旭○光○澹○霏○微○山○氣○衝○雷○聲○捲○  
大○徑○雨○在○岩○底○峰○遙○望○蓮○岫○雲○已○接○天○都○松○陟○巔○叩○蘭○若○頻○  
覺○飛○霧○重○俯○視○但○一○氣○不○復○分○澹○濃○猶○聞○儕○侶○聲○煙○中○尚○扶○  
筇○菴○僧○餉○客○勤○為○作○伊○蒲○供○

馬雨景蒼茫奇  
幻與他處不同

雨坐狎浪閣看羅漢級藥溪白龍潭諸瀑

潭○聲○昨○夜○搖○山○谷○曉○見○重○泉○沸○林○木○崖○嶂○溟○濛○太○古○中○海○氣○  
茫○茫○壓○茆○屋○瀑○流○澗○流○無○序○次○溪○雲○峰○雲○相○逐○至○宵○然○山○閣○  
坐○孤○清○寒○響○一○窓○紛○聽○視○玉○龍○羣○向○寒○空○咽○競○勢○爭○飛○山○嶽○  
裂○閣○前○巨○石○激○奔○濤○皎○皎○孤○撐○一○潭○雪○

精力緊猛與山  
瀑爭奇競勝

晚過雲谷

勝○事○真○堪○付○短○筇○遠○聽○孤○寺○一○聲○鐘○每○于○絕○徑○開○生○徑○時○見○  
奇○峰○出○亂○峰○鸞○鶴○半○隨○雲○脚○過○猿○猱○多○向○石○心○逢○攀○躋○莫○悵○  
歸○途○晚○黯○黯○斜○陽○生○萬○松○

右軍過惡道輒歎  
奇絕詩心有此

孫自益

友三江南休寧人  
歸來吟

賦得燈前細雨檐花落和王西樵先生原韻

滿○樹○梅○花○著○雨○零○挑○燈○此○際○起○沉○冥○暗○香○寂○莫○誰○堪○語○冷○韻○  
蒼○茫○何○處○聽○檐○馬○微○微○風○乍○落○隣○鷄○角○角○酒○初○醒○坐○來○却○憶○  
當○年○事○愁○絕○乾○坤○一○草○亭○

有安頓有結構  
今體之極善者

黃瑄

卧山福建莆田人  
泰州籍

秋晚遣興

盡日浮雲起涼風四野呼短牆堆敗葉荒水折寒蘆何處彈  
馮鍊吾生半阮途悠然還伏枕拙計定江湖  
田山歷遊坎  
坳故爾騷激

附刻

鄧勗采 扶風江南泰州籍長洲人  
慎墨堂學詩

遊野寺

野寺人誰過禪燈到眼微蒼藤盤畫壁老樹隱柴扉僧去鴉  
頻喚蟲鳴葉盡飛難堪秋水漲極目祇斜暉  
是野寺摹  
寫盡致

別姚舒恭

寂寞荒村裏傾壺那復增秋光連遠岸水氣逼深燈繫柳家  
家舫沿溪處處習難為分手別欸欸話吳陵  
倚而能  
深故佳

鄧劭榮 若雍江南泰州籍吳縣人  
慎墨堂學詩

梅雨

濕雲吞遠岸時節近黃梅梧柳搖深院蛟龍上古臺水奔魚  
自急爐集雨頻來且自銷愁緒榴花映酒杯  
○險○句○却○穩○  
首尾  
圓淨

送舒恭之潘村

寂寞柴門路飄然竟放船在風吹野屋急浪打荒阡愁思誰  
堪語荒齋只晏眠遙知吟句苦獨眺水雲邊  
○大○是○老○健○  
起得好  
餘亦稱

鄧勤相 方回江南泰州人  
慎墨堂學詩

秋日遊阿育王山謁嵩巖禪師

○起○好○是○杜○少○筆○法○  
野花盤石路訪道及高秋深壑龍蛇卧危峯虎豹遊劫餘存  
古殿梵響雜溪流望望松篁暮禪房且滯留  
氣體  
不凡

立秋日微雨送姚舒恭次原韻

涼、秋、鄭、重、鎖、柴、荆、黃、葉、蕭、蕭、泊、舫、輕、一、代、風、流、成、舊、夢、六、朝、  
 詞、賦、只、虛、名、山、村、有、路、連、雲、合、野、陌、無、人、帶、雨、耕、憐、汝、遠、接、  
 郊、外、宿、客、樓、登、望、不、勝、情、

赤

勸兒年十四忽自操管為詩風  
 調極合予輒笑日所謂近殊者

予年遲暮吟詩迭老固也諸兒見予苦吟輒復耶耶學  
 步黃口孺子豈敢竊附大方亦日耶為就正之資云爾



